

摘藻堂四庫全書薈要

子部

欽定四庫全書薈要

子部

世說新語卷上之上



欽定四庫全書薈要

世說新語目錄

卷上之上

德行

言語

卷上之下


政事

文學

卷中之上

方正

雅量



識鑒

賞譽<sub>上</sub>

卷中之下

賞譽<sub>下</sub>

品藻

規箴

捷悟

夙慧

豪爽

卷下之上

容止

自新

企羨

傷逝

棲逸

賢媛

術解

巧藝

寵禮

任誕

簡傲

卷下之下

排調

輕詆

假譎

黜免

儉嗇

汰侈

忿狷

讒險

尤悔

紕漏

惑溺

仇隙

臣等謹案世說新語三卷宋臨川王劉義慶

撰梁劉孝標註義慶事迹具宋書本傳孝標

名峻以字行事迹具梁書本傳黃伯思東觀

餘論謂世說之名肇於劉向其書已亡故義

慶所集名世說新書段成式酉陽雜俎引王

敦澡豆事尚作世說新書可証不知何人改  
為新語蓋近世所傳然相沿已久不能復正  
矣所記分三十六門上起後漢下迄東晉皆  
軼事瑣語足為談助唐藝文志稱劉義慶世  
說八卷劉孝標續十卷崇文總目惟載十卷  
晁公武謂當是孝標續義慶元本八卷通成  
十卷又謂家有詳畧二本迥不相同今其本  
皆不傳惟陳振孫書錄解題作三卷與今本

合其每卷析為上下則世傳陸游所刊本已  
然蓋即舊本至振孫汪藻所云叙錄二卷首  
為考異繼列人物世譜姓字異同末記所引  
書目者則佚之久矣自明以來世俗所行凡  
二本一為王世貞所刊註文多所刪節殊乖  
其舊一為袁褰所刊蓋即從陸本翻雕者雖  
板已剝敝然猶屬完書義慶所述劉知幾史  
通深以為譏然義慶本小說家言而知幾繩



之以史法擬不于倫未為通論孝標所注特  
為典贍高似孫緯畧亟推之其糾正義慶之  
紕繆尤為精核所引諸書今佚者十九惟賴  
其注以傳故與裴松之三國志註李善文選  
註同為考証家所引據焉乾隆四十二年四  
月恭校上

總纂官

臣紀昀臣陸錫熊臣孫士毅

總校

官臣陸費墀



世說新語序

嘗攷載記所述晉人話言簡約玄澹爾雅有韻世言江  
左善清談今閱新語信乎其言之也臨川撰為此書採  
掇綜叙明暢不繁考標所注能收錄諸家小史分釋其  
義詁訓之賞見於高似孫緯畧余家藏宋本是放翁校  
刊本謝胡躬耕之暇手披心寄自謂可觀爰付梓人傳  
之同好因嘆昔人論司馬氏之祚亡於清談斯言也無  
乃過甚矣乎竹林之儔希慕沂樂蘭亭之集咏歌堯風

陶荊州之勤敏謝東山之恬鎮解莊易則輔嗣平叔擅其宗析梵言則道林法深領其乘或詞冷而趣遠或事瑣而意奧風旨各殊人有興託王茂弘祖士雅之流才通氣峻心翼王室又斑斑載諸冊簡是可非之者哉詩不云乎濟濟多士文王以寧余以瑯琊王之渡江諸賢弘贊之力為多非強說也夫諸晤言率遇蒨裁遂為終身品目故類以標格相高玄虛成習一時雅尚有東京厨俊之流風焉然曠達拓落濫觴難拯取譏世教撫卷

惜之此於諸賢不無遺憾焉耳矣刻成叙之嘉靖乙未  
歲立秋日也吳郡袁聚撰



欽定四庫全書薈要卷一萬一千二百十一

子部

世說新語卷上之上

宋 劉義慶 撰

梁 劉孝標 注

德行第一

陳仲舉言為士則行為世範登車攬轡有澄清天下之

志

汝南先賢傳曰陳蕃字仲舉汝南平輿人有室荒蕪不掃除曰大丈夫當為國家掃天下值漢桓之末閭

監用事外戚豪橫及拜太傅與大將軍竇武謀誅宦官反為所害

為豫章太守

海內先賢傳曰

蕃為尚書以忠正忤貴戚不得在臺遷豫章太守

至便問徐孺子所在欲先省

之

謝承後漢書曰徐揖字孺子豫章南昌人清妙高時  
超世絕俗前後為諸公所辟雖不就及其死萬里赴

弔常預炙雞一隻以綿漬酒中暴乾以裹雞徑到所赴

冢隧外以水漬綿斗米飯白茅為藉以雞置前酬酒畢

留謁即去

不見喪主

主簿白羣情欲府君先入解陳曰武王式商

容之間席不暇煖

許叔重曰商容殷之賢人  
老子師也車上跽曰式

吾之禮賢

有何不可

袁宏漢紀曰蕃在豫章為襜獨  
設一榻去則懸之見禮如此

周子居常云吾時月不見黃叔度則鄙吝之心已復生

矣

子居別見典畧曰黃憲字叔度汝南慎陽人時論者  
咸云顏子復生而族出孤鄙父為牛醫潁川荀季和

執憲手曰足下吾師範也後見袁奉高曰卿國有顏子  
寧知之乎奉高曰卿見吾叔度邪戴良少所服下見憲



則自降薄悵然若有所失母問汝何不樂乎後從牛醫兒所來耶良曰瞻之在前忽焉在後所謂良之師也

# 郭林宗至汝南造袁奉高

續漢書曰郭泰字林宗太原介休人泰少孤年二十行學

至城阜屈伯彥精廬乏食衣不蓋形而處約味道不改其樂李元禮一見稱之曰吾見士多矣無如林宗者也及卒蔡伯喈為作碑曰吾為人作銘未嘗不有慙容唯為郭有道碑頌無愧耳初以有道君子徵泰曰吾觀乾象人事天之所廢不可支也遂辭以疾汝南先賢傳曰袁宏字奉高潁陽人友黃叔度於童齒薦陳仲舉於家泰辟大尉掾卒車不停軌鸞不輟輓詣黃叔度乃彌日信宿人

問其故林宗曰叔度汪汪如萬頃之陂澄之不清擾之不濁其器深廣難測量也

泰別傳曰薛公祖問之泰曰奉高之器譬諸汎濫雖清易

也

李元禮風格秀整高自標持欲以天下名教是非為已

任

薛瑩後漢書曰李膺字元禮潁川襄城人抗志清妙有文武備才遷司隸校尉為黨事自殺

後進

之士有升其堂者皆以為登龍門

三秦記曰龍門一名河津去長安九百里

水懸絕龜魚之屬莫

能上上則化為龍矣

李元禮嘗嘆荀淑鍾皓

先賢行狀曰荀淑字季和潁川潁陰人也所拔韋福芻牧之中

執案刀筆之吏皆為英秀舉方正補朗陵侯相所在流化鍾皓字季明潁川長社人父袒至德著名皓高風承世除林慮長不之官

曰荀君清識難尚鍾君至德可師

人位不足天爵有餘

海內先賢傳曰潁川先輩為海內所師者定陵陳碑叔  
潁陰荀淑長社鍾皓少府李膺宗此三君常言荀君清  
識難尚陳鍾

至德可師

陳太丘詣荀朗陵貧儉無僕役

陳寔傳曰寔字仲弓潁川許昌人為聞喜令太

丘長風化宣流

乃使元方將車

先賢行狀曰陳紀字元方寔長子也至德絕俗與寔高名並著

而弟譙又配之每宰府辟召羔雁成羣世號三君百城皆圖畫

季方持杖後從長文尚

小載著車中既至荀使叔慈應門慈明行酒餘六龍下

食

張璠漢紀曰淑有八子儉鯤靖肅汪爽肅數淑居丙豪里縣令范康曰昔高陽氏有才子八人遂署其里

為高陽里時人號曰八龍

文若亦小坐著邾前于時太史奏真人東

行

檀道鸞續晉陽秋曰陳仲弓從諸子姪造荀父子于時德星聚太史奏五百里賢人聚

客有問陳季方

海內先賢傳曰陳謨字季方寔少子也才識博達司空掾公車徵不就

足

下家君太丘有何功德而荷天下重名季方曰吾家君譬如桂樹生泰山之阿上有萬仞之高下有不可測之深上為甘露所霑下為淵泉所潤當斯之時桂樹焉知泰山之高淵泉之深不知有功德與無也

陳元方子長文有英才

魏書曰陳羣字長文祖寔嘗謂宗人曰此兒必興吾宗及長有

識度其所

與季方子孝先

陳氏譜曰謨子忠字孝先州辟不就

各論其父

善皆父黨

功德爭之不能決咨於太丘太丘曰元方難為兄季方

難為弟

一作元方難為弟季方難為兄

荀巨伯遠看友人疾

荀氏家傳曰巨伯漢桓帝時人也亦出潁川未詳其始末

值胡

賊攻郡友人語巨伯曰吾今死矣子可去巨伯曰遠來

相視子令吾去敗義以求生豈荀巨伯所行邪賊既至

謂巨伯曰大軍至一郡盡空汝何男子而敢獨止巨伯

曰友人有疾不忍委之寧以我身代友人命賊相謂曰我

輩無義之人而入有義之國遂班軍而還一郡並獲全

華歆遇子弟甚整雖閒室之內嚴若朝典

魏志曰歆字子魚平原高

唐人魏畧曰靈帝時與北海邴原管寧俱遊學相善時號三人為一龍謂歆為龍頭寧為龍腹原為龍尾陳

元方兄弟恣柔愛之道而二門之裏兩不失雍熙之軌焉

管寧華歆共園中鋤菜

傳子曰寧字幼安北海朱虛人齊相管仲之後也

見地

有片金管揮鋤與瓦石不異華捉而擲去之又嘗同

席讀書有乘軒冕過門者寧讀如故歆廢書出看寧

割席分坐曰子非吾友也

魏畧曰寧少恬靜常笑邴原華子魚有仕宦意及歆

為司徒上書讓寧寧聞之笑曰

子魚本欲作老吏故榮之耳

王朗每以識度推華歆

魏書曰朗字景興東海郟人魏司徒

歆蜡日

禮記曰天

子大蜡八伊耆氏始為蜡蜡索也歲十二月合聚萬物而索饗之五經要義曰三代名臘夏曰嘉平殷曰清祀周曰大蜡總謂之臘晉博士張亮議曰蜡者合聚萬物索饗之歲終休老息民也臘者祭宗廟五祀傳曰臘接也祭則新故交接也秦漢已來臘之明日為祝歲古之遺語也

嘗集子姪燕飲王亦學

之有人向張華說此事張曰王之學華皆是形骸之外

去之所以更遠

王隱晉書曰張華字茂先范陽人也累遷司空而為趙王倫所害

華歆王朗俱乘船辟難有一人欲依附歆輒難之朗曰

幸尚寬何為不可後賊追至王欲舍所攜人歆曰本所以疑正為此耳既已納其自託寧可以急相棄邪遂攜

拯如初世以此定華王之優劣

華嶠譜叙曰歆為下邳令漢室方亂乃與同志

士鄭太等六人避世自武關出道遇一丈夫獨行願得與俱皆哀許之歆獨曰不可今在危險中禍福患害義猶一也今無故受之不知其義若有進退可中棄乎衆不忍卒與俱行此丈夫中道墮井皆欲棄之歆乃曰已與俱矣棄之不義卒共還出之而後別

王祥事後母朱夫人甚謹

晉諸公贊曰祥字休徵琅邪臨沂人祥世家曰祥父融娶

高平薛氏生祥繼室以廬江朱氏生覽晉陽秋曰後母數譖祥屢以非禮使祥弟覽輒與祥俱又虐使祥婦覽



妻亦趨而共之母患方盛寒水凍母欲生魚祥解衣將剖冰求之會有處冰小解魚出蕭廣濟孝子傳曰祥後母忽欲黃雀炙祥念難卒致須臾有數十黃雀飛入其幕母之所須必自奔走無不得焉其誠至如此

家

有一李樹結子殊好母恒使守之時風雨忽至祥抱樹

而泣

蕭廣濟孝子傳曰祥後母庭中有李始結子使祥晝視鳥雀夜則趨鼠一夜風雨大至祥抱泣至曉

母見之惻然

祥嘗在別牀眠母自往閤斫之值祥私起空斫

得被既還知母憾之不已因跪前請死母於是感悟愛

之如已子

虞預晉書曰祥以後母故陵達不任年向六十刺史呂虔檄為別駕時人歌之曰海沂之

康實賴王祥邦國不空

別駕之功累遷太保

晉文王稱阮嗣宗至慎每與之言言皆玄遠未嘗臧否

人物

魏書曰文王諱昭字子上宣帝第二子也魏氏春秋曰阮籍字嗣宗陳留尉氏人阮瑀子也宏達不

羈不拘禮俗交州刺史王昶請與相見終日不得與言

昶愧嘆之自以不能測也口不論事自然高邁李康家

紙曰昔嘗侍坐于先帝時有三長史俱見臨辭出上曰

為官長當清當慎當勤修此三者何患不治乎並受詔

上顧謂吾等曰必不得已而去於斯三者何先或對曰

清固為本復問吾吾對曰清慎之道相須而成必不得

已慎乃為大上曰卿言得之矣可舉近世能慎者誰乎

吾乃舉故太尉荀景倩尚書董仲達僕射王公仲上曰

此諸人者溫恭朝夕執事有恪亦各其慎也然天下之

至慎者其唯阮嗣宗乎每與之言言及玄遠而未嘗評

論時事臧否人

物可謂至慎乎

王戎云與嵇康居二十年未嘗見其喜慍之色

康集序曰康字

叔夜譙國鉅人王隱晉書曰嵇本姓溪其先避怨徙上虞移譙國鉅縣以出自會稽取國一支音同本奚焉虞預晉書曰鉅有嵇山家於其側因氏焉康別傳曰康性含垢藏瑕受惡不爭於懷喜怨不寄於顏所知王濬沖在襄城面數百未嘗見其疾聲朱顏此亦方中之美範人倫之勝業也文章叙錄曰康以魏長樂亭主簿遷郎中拜中散大夫

王戎和嶠同時遭大喪俱以孝稱王雞骨支牀和哭泣

備禮

晉諸公贊曰戎字濬沖琅邪人太保祥宗族也文皇帝輔政鍾會薦之曰裴楷清通王戎簡要即俱

避為掾晉踐阼累遷荊州刺史以平吳功封安豐侯晉陽秋曰戎為掾州刺史遭母憂性至孝不拘禮制飲酒

食肉或觀奕棋而容貌毀悴杖而後起時汝南和嶠亦名士也以禮法自持處大憂量米而食然顯賴哀毀不逮我武帝謂劉仲雄曰

王隱晉書曰劉毅字仲雄東萊掖人漢城陽景王後也亮直清

方見有不善必評論之王公大人望風憚之嶠居陽平太守杜恕致為功曹沙汰郡吏三百餘人三魏食曰但聞劉功曹不聞杜府君卿數省王和不聞和哀苦過禮累遷尚書司隸校尉

使人憂之仲雄曰和嶠雖備禮神氣不損王戎雖不備禮而哀毀骨立臣以和嶠生孝王戎死孝陛下不應憂

嶠而應憂戎

晉陽秋曰世祖及時談以此貴戎也

梁王趙王

朱鳳晉書曰宣帝張夫人生梁孝王彤字子微位至太宰桓夫人生趙王倫字子彞位至

相國之近屬貴重當時裴令公

晉諸公贊曰裴楷字叔則河東聞喜人司空秀

之從弟也父徽冀州刺史有俊識楷特精易義累遷河南尹中書令卒

歲請二國租錢數

百萬以恤中表之貧者或譏之曰何以乞物行惠裴曰  
損有餘補不足天之道也

名士傳曰楷行已取與任心而動譽毀雖至處之晏然皆

此類

王戎云太保居在正始中不在能言之流及與之言理

中清遠將無以德掩其言

晉陽秋曰祥少有美德行

王安豐遭艱至性過人裴令往弔之曰若使一慟果能

傷人濬沖必不免滅性之譏

曲禮曰居喪之禮毀瘠不形視聽不衰不勝喪乃比

於不慈不孝孝經曰毀不滅性聖人之教也

王戎父渾有令名官至涼州刺史

世語曰渾字長原有才望歷尚書涼州刺

史渾薨所歷九郡義故懷其德惠相率致賻數百萬戎

悉不受

虞預晉書曰戎由是顯名

劉道真嘗為徒

晉百官名曰劉實字道真高平人徒罪後作者

扶風王駿

虞預晉書

曰駿字子臧宣帝第十七子好學至孝晉諸公贊曰駿八歲為散騎常侍侍魏齊王講晉受禪封扶風王鎮關中為政最美薨贈武王西士思之但見其碑贊者皆拜之而泣其遺愛如此

以五百疋布贖

之既而用為從事中郎當時以為美事

王平子胡母彥國諸人皆以任放為達或有裸體者

晉諸公贊曰王澄字平子有達識荊州刺史永嘉流人名曰胡母輔之字彥國泰山奉高人湘州刺史王隱晉書曰魏末阮籍嗜酒荒放露頭散髮裸袒箕踞其後貴游子弟阮瞻王澄謝鯤胡母輔之徒皆祖述於籍謂得大道之本故去巾幘脫衣服露醜惡同禽獸甚者名之為通次者名之為達也

樂廣笑曰名

教中自有樂地何為乃爾也

郝公值永嘉喪亂在鄉里甚窮餒鄉人以公名德傳其飴之公常攜兄子邁及外生周翼二小兒往食鄉人曰

各自饑困以君之賢欲共濟君耳恐不能兼有所存公於是獨往食輒含飯著兩頰邊還吐與二兒後並得存

同過江

郝鑒別傳曰鑒字道徽高平金鄉人漢御史大夫郝慮後也少有體正耽思經籍以儒雅著名

永嘉末天下大亂饑饉相望冠帶以下皆割已之資供鑒元皇徵為領軍遷司空太尉中興書曰鑒兄子邁字

思遠有幹世才略

累遷少府中護軍郝公亡翼為剡縣解職歸席苦於公

靈牀頭心喪終三年

周氏譜曰翼字子卿陳郡人祖奕上谷太守父優車騎咨議歷剡令

青州刺史少府

卿六十四而卒

顧榮在洛陽嘗應人請覺行炙人有欲炙之色因輟已



施焉同坐嗤之榮曰豈有終日執之而不知其味者乎

後遭亂渡江每經危急常有一人左右已問其所以乃

受炙人也

文士傳曰榮字彥先吳郡人其先起王勾踐之支庶封於顧邑子孫遂氏焉世為吳著姓

大父雍吳丞相父穆宜都太守榮少朗俊機警風韻標  
徽歷廷尉正曾在省與同僚共飲見行炙者有異於常  
侯乃割炙以噉之後趙王倫篡位其子為中領軍通用  
榮為長史及倫誅榮亦被執凡受戮等輩十有餘人或  
有救榮者問其故曰某省中受炙臣也榮乃悟  
而嘆曰一餐之惠恩今不忘古人宜虛言哉

祖光祿少孤貧性至孝常自為母炊爨作食

王隱晉書  
曰祖納字

士言范陽道人九世孝廉納諸母三兄最治行操能清  
言至太子中庶子廷尉卿避地江南溫嶠薦為光祿大

夫

王平北聞其佳名以兩婢餉之因取為中郎

王又別傳曰又

字叔元琅邪臨沂人時蜀新平二將作亂文帝西之長安乃徵為相國司馬遷大尚書出督幽州諸軍事平北

軍將有人戲之者曰奴價倍婢祖云百里奚亦何必輕於

五穀之皮邪

楚國先賢傳曰百里奚字凡伯楚國人少仕於虞為大夫晉欽假道於虞以我號諫

而不聽奚乃去之說苑曰秦穆公使賈人載鹽於虞詣賈人買百里奚以五羊皮謂公觀鹽怪其牛肥問其故對曰飲食以時使之不暴是以肥也公令有司沐浴衣冠之公孫支讓其卿位號曰五穀大夫

周鎮罷臨川郡還都未及上住泊青溪渚

永嘉流人名曰鎮字康時

陳留尉氏人也祖父和故安令父震司空長史中興書曰鎮清約寡欲所在有異績

王丞相往看

之

丞相別傳曰王導字茂弘琅邪人祖覽以德行稱父  
載侍御史導少知名家世貧約恬暢樂道未嘗以風

塵經  
懷也

時夏月暴雨卒至舫至狹小而又大漏殆無復坐

處王曰胡威之清何以過此即啟用為吳興郡

晉陽秋  
曰胡威

字伯虎淮南人父質以忠清顯質為荊州威自京師往  
者之及告歸質賜威絹一匹威跪曰大人清高於何得  
此質曰是我奉祿之餘故以為汝糧耳威受而去每至  
客舍自放驢取薪爨炊食畢復隨旅進道質帳下都督  
陰齋糧要之因與為伴每事相助經營之又進少飯威  
疑之密誘問之乃知都督也謝而遣之後以白質質杖  
都督一百除其吏名父子清慎如此及威為徐州世祖  
賜見與論邊事及平生帝嘆其父清因謂威曰卿清孰  
與父對曰臣清不如也帝曰何以為勝汝邪對曰  
臣父清畏人知臣清畏人不知是以不如遠矣

鄧攸始避難於道中棄已子全弟子

晉陽秋曰攸字伯道平陽襄陵人七

歲喪父母及祖父母持重九年性清慎平簡鄧粲晉紀曰永嘉中攸為石勒所獲召見立幕下與語說之坐而飯馬攸車所至與胡人鄰數胡人失火燒車營勒吏案問胡胡誣攸攸度不可與爭乃曰向為老妣作粥失火延逸罪應萬死勒知遣之所誣胡厚德攸遣其驢馬護送令得逸王隱晉書曰攸以路遠所壞車以牛馬負妻子以叛賊又掠其牛馬攸語妻曰吾弟早亡唯有遺民今當步走僭兩兒盡死不如棄已兒抱遺民吾後猶當有兒婦從之中興書曰攸棄兒於草中兒啼呼追之至莫復及攸明日繫兒於樹而去遂渡江至尚書左僕射辛弟子綏服既過江取一妾甚寵愛歷年後訊其所由攸齊衰三年

妾具說是北人遭亂憶父母姓名乃攸之甥也攸素有德

業言行無玷聞之哀恨終身遂不復畜妾

王長豫為人謹順事親盡色養之孝

中興書曰王悅字長豫丞相導長子

也仕至中書侍郎

丞相見長豫輒喜見敬豫輒嗔

文字志曰王恬字敬豫導

次子也少卓犖不羈疾學尚武不為導所重至中軍將軍多才藝善隸書與濟陽江嗣以善奕聞

長豫

與丞相語恒以慎密為端丞相還臺及未行嘗不送至車後恒與曹夫人併當箱篋長豫亡後丞相還臺登車後哭至臺門曹夫人作麈封而不忍開

王氏譜曰導娶彭城曹韶女名

淑

桓常侍聞人道深公者輒曰此公既有宿名加先達知

稱又與先人至交不宜說之

桓彝別傳曰彝字茂倫譙國龍亢人漢五更桓榮十

世孫也父穎有高名彝少孤識鑒明朗避亂渡江累遷散騎常侍僧法深不知其俗姓蓋衣冠之胄也道徽高扇譽播山東為中州劉公弟子值永嘉亂投迹揚土居止京邑內持法網外允具瞻弘道之法師也以業慈清淨而不耐風塵考室剡縣東二百里岫山中同遊十餘人高棲浩然支道林宗其風範與高麗道人書稱其德行年七十有九終於山中也

庾公乘馬有的盧

晉陽秋曰庾亮字元規潁川鄆陵人明穆皇后長兄也淵雅有德量時人

方之夏侯太初陳長文之倫侍從父琛避地會稽端拱巍然郡人嚴憚之覲接之者數人而已累遷征西大將

軍荊州刺史伯樂相馬經曰馬白額入口至齒者  
名曰榆雁一名的盧奴乘客死主棄市凶馬也或語

令賣去

語林曰殷浩勸公賣馬

庾云賣之必有買者即復害其主

寧可不安已而移於他人哉昔孫叔敖殺兩頭蛇以為

後人古之美談

賈誼新書曰孫叔敖為兒時出道上見兩頭蛇殺而埋之歸見其母泣問其故

對曰夫見兩頭蛇者必死今出見之故爾母曰蛇今安在對曰恐後人見殺而埋之矣母曰夫有陰德必有陽

報爾無憂也後遂興於楚朝及長為楚令尹

效之不亦達乎

阮光祿在剡曾有好車借者無不皆給有人冀母意欲  
借而不敢言阮後聞之嘆曰吾有車而使人不敢借何

以車為遂焚之

阮光祿別傳曰裕字思曠陳留尉氏人祖略齊國內史父顗汝南太守裕淹通

有理識累遷侍中以疾築室會稽剡山

徵金紫光祿大夫不就年六十一卒

謝奕作剡令

中興書曰謝奕字無奕陳郡陽夏人祖衡太子少傅父裒吏部尚書奕少有器鑒辟

太尉掾剡令累遷豫州刺史

有一老翁犯法謝以醇酒罰之乃至過

醉而猶未已太傅時年七八歲著青布袴在兄鄰邊坐

諫曰阿兄老翁可念何可作此奕於是改容曰阿奴欲

放去邪遂遣之

謝太傅絕重褚公常稱褚季野雖不言而四時之氣亦



備

文字志曰謝安字安石奕弟也世有學行安弘粹通遠溫雅融暢桓彝見其四歲時稱之曰此兒風神秀

微當繼踪王東海善行書累遷太保錄尚書事贈太傅

晉陽秋曰褚裒字季野河南陽翟人祖芻安東將軍父

治武昌太守裒少有簡責之風沖默之

稱累遷江充二州刺史贈侍中太傅

劉尹在郡臨終綿假聞閣下祠神鼓舞正色曰莫得淫

祀劉尹別傳曰愜字真長沛國蕭人也漢氏之後真長

有雅裁雖華門陋巷晏如也歷司徒左長史侍中丹

陽尹為政務鎮靜信

外請殺車中牛祭神真長荅曰丘

誠風塵不能移也

之禱久矣勿復為煩

包氏論語曰禱請也孔安國曰孔子素行合於神明故曰丘之禱久

矣

謝公夫人教兒問太傅那得初不見君教兒答曰我常

自教兒

謝氏譜曰安娶沛國劉耽女按太尉劉子真清恕有志操行已以禮而二子不才並瀆貨致罪

子真坐免官客曰子真不訓導之子真曰吾之行事是其耳目所聞見而不故教豈嚴訓所變邪安石之言同子真之意也

晉簡文為撫軍時

續晉陽秋曰帝諱昱字道萬中宗少子也仁聞有智度穆帝幼冲以撫軍

輔政大司馬桓溫廢海西公而立帝在位三年而崩

所坐牀上塵不聽拂見鼠行

跡視以為佳有叅軍見鼠白日行以手板批殺之撫軍

意色不說門下起彈教曰鼠被害尚不能忘懷今復以

鼠損人無乃不可乎

范宣年八歲後園挑菜誤傷指大啼人問痛邪答曰非

為痛身體髮膚不敢毀傷是以啼耳

宣別傳曰宣字子宣陳留人漢菜蕪

長范丹後也年十歲能誦詩書兒童時手傷改容家人以其年幼皆異之徵太學博士散騎常侍一無所就年

五十宣潔行廉約韓豫章遺絹百匹不受

中興書曰宣家至貧罕交

四卒

人事豫章太守殷羨見宣茅茨不完欲為改室宣固辭

羨受之以宣貧加年饑疾疫厚餉給之宣又不受續晉

陽秋曰韓伯字康伯潁川人好學

減五十匹復不受如

善言理歷豫章太守領軍將軍

是減半遂至一匹既終不受韓後與范同載就車中裂

二丈與范云人寧可使婦無幃邪范笑而受之

王子敬病篤道家上章應首過問子敬由來有何異同

得失子敬云不覺有餘事唯憶與郝家離婚

王氏譜曰獻之娶高

平郁墨女名道茂後離婚獻之別傳曰祖父曠淮南太守父羲之右將軍咸寧中詔尚餘姚公主遷中書令卒

殷仲堪既為荊州值水儉食常五盃盤外無餘肴飯

粒脫落盤席間輒拾以噉之雖欲率物亦緣其性真素

每語子弟云勿以我受任方州云我豁平昔時意今吾

處之不易貧者士之常焉得登枝而捐其本爾曹其存

之晉安帝紀曰仲堪陳郡人太常融孫也車騎將軍謝  
玄請為長史孝武說之俄為黃門侍郎自殺袁悅之  
後上深為晏駕後計故先出王恭為壯藩  
荊州刺史王忱死乃中詔用仲堪代焉

初桓南郡楊廣共說殷荊州宜奪殷覲南蠻以自樹

桓玄

別傳曰玄字敬道譙國龍亢人大司馬溫少子也幼童  
中溫甚愛之臨終命以為嗣年七歲襲封南郡公拜太  
子洗馬義興太守不得志少時去職歸其國與荊州刺  
史殷仲堪素舊情好甚隆周祗隆安記曰廣字德度弘  
農人楊震後也晉安帝紀曰覲字伯道陳郡人由中書  
郎出為南蠻校尉覲亦以率易才悟著稱與從弟仲堪  
俱知名中興書曰初仲堪欲起兵密邀覲覲亦即曉其  
覲不同楊廣與弟佺期勸殺覲仲堪不許

旨嘗因行散率爾去下舍便不復還內外無預知者意

色蕭然遠同鬪生之無愠時論以此多之

春秋傳曰楚令尹子文鬪

氏也論語曰令尹子文三仕為令尹無喜色三已之無愠色

王僕射在江州為殷桓所逐奔竄豫章存亡未測

徐廣晉紀

曰王愉字茂和太原晉陽人安北將軍坦之次子也以輔國司馬出為江州刺史愉始至鎮而桓玄楊佺期舉兵以應王恭乘流奄至愉無防惶遽奔臨川為玄所得玄篡位遷尚書左僕射王綏在都既憂

戚在貌居處飲食每事有降時人謂為試守孝子

中興書曰

綏字彥猷愉子也少有令譽自王渾至坦之六世盛德綏又知名于時冠冕莫與為比位至中書令荊州刺史桓玄敗後與父愉謀反伏誅

桓南郡也既破殷荊州收殷將佐十許人咨議羅企生

亦在焉

玄別傳曰玄克荊州殺殷道護及仲堪  
叅軍羅企生鮑季禮皆仲堪所親仗也

桓素待

企生厚將有所戮先遣人語云若謝我當釋罪企生答

曰為殷荊州吏今荊州奔亡存亡未判我何顏謝桓公

中興書曰企生字宗伯豫章人殷仲堪初請為府功曹  
桓玄來攻轉咨議叅軍仲堪多疑少決企生深憂之謂  
其弟遵生曰殷侯仁而無斷事必無成或敗天也吾當  
死生以之及仲堪走文武並無送者唯企生從焉路經  
家門遵生紿之曰作如此分別何可不執手企生回馬  
授手遵生便牽下之謂曰家有老母將欲何行企生揮  
泣曰今日之事我必死之汝等奉養不失子道一門之  
內有忠與孝亦復何恨遵生抱之愈急仲堪於路待之

企生遙呼曰今日死生是同願少見待仲堪見其無脫  
理策馬而去俄而玄至人士悉詣玄企生獨不往而營  
理仲堪家或謂曰玄性猜急未能取卿誠節若遂不詣  
禍必至矣企生正色曰我設侯吏見遇以國士不能共  
殄醜逆致此奔敗何面目就桓求生乎玄聞怒而收之  
謂曰相遇如此何以見負企生曰使君口血未乾而生  
此姦計自傷力劣不能剪定凶逆我死恨晚爾玄遂斬之  
時年三十有七衆咸悼之既出市桓又

遣人問欲何言答曰昔晉文王殺嵇康而嵇紹為晉

忠臣

王隱晉書曰紹字延祖譙國鉅人父康有奇才儁  
辯紹十歲而孤事母孝謹累遷散騎常侍惠帝敗

於蕩陰百官左右皆奔散唯紹儼然端冕以  
身衛帝兵交御輦飛箭雨集遂以見害也

從公乞一

弟以養老母桓亦如言宥之桓先曾以一羔裘與企生



母胡胡時在豫章企生問至即日焚裘

王恭從會稽還

周祇隆安記曰恭字孝伯太原晉陽人祖父蒙司徒左長史風流標望父蘊鎮

軍將軍亦得世譽恭別傳曰恭清廉貴峻志存格正起家著作郎歷丹陽尹中書令出為五州都督前將軍青兗二州

王大省之

王忱少字佛大晉安帝紀曰忱字元達平北將軍坦之第四子也甚得名

刺史

於當世與族子恭少相善齊聲見稱仕至荊州刺史

見其坐六尺簾因語恭卿東

來故應有此物可以一領及我恭無言大去後即舉所

坐者送之既無餘席便坐薦上後大聞之甚敬焉曰吾

本謂卿多故求耳對曰丈人不悉恭恭作人無長物

吳郡陳遺

未詳

家至孝母好食釜底焦飯遺作郡主簿恒

裝一囊每煮食輒貯錄焦飯歸以遺母後值孫恩賊出

吳郡

晉安帝紀曰孫恩一名靈秀琅邪人叔父秦事五斗米道以謀反誅恩逸逃於海上聚衆十萬人攻

沒郡縣後為臨海太守辛曷斬首送之

袁府君

山松別見

即日便征遺已聚斂

得數斗焦飯未展歸家遂帶以從軍戰於滬瀆敗軍人潰散逃走山澤皆多饑死遺獨以焦飯得活時人以為純孝之報也

孔僕射為孝武侍中豫蒙眷接烈宗山陵孔時為太常

形素羸瘦著重服竟日涕泗流連見者以為真孝子

續晉

陽秋曰孔安國字安國會稽山陰人車騎喻第六子也少而孤貧能善樹節以儒素見稱歷侍中太常尚書遷左僕射特進卒

吳道助附子兄弟居在丹陽郡後遭母童夫人艱

道助坦之

小字附子隱之小字也吳氏譜曰坦之字處靖濮陽人仕至西中郎將功曹父堅取東莞童儉女名秦姬朝

夕哭臨及思至賓客弔者號踊哀絕路人為之落淚韓

康伯時為丹陽尹母殷在郡每聞二吳之哭輒為悽惻

語康伯曰汝若為選官當好料理此人康伯亦甚相知

韓後果為吏部尚書大吳不免哀制小吳遂大貴達

鄭

孝子傳曰隱之字處默少有孝行遭母喪哀毀過禮時與太常韓康伯鄰居康伯母揚州刺史綏浩之妹聰明婦人也隱之每哭康伯母輒輟事流涕悲不自勝終其喪如此謂康伯曰汝後若居銓衡當用此輩人後康伯為吏部尚書乃進用之晉安帝紀曰隱之既有至性加以廉潔奉祿頌九族冬月無被桓玄欲革嶺南之弊以為廣州刺史去州二十里有貪泉世傳飲之者其心無厭隱之乃至水上酌而飲之因賦詩曰石門有貪泉一飲重千金試使夷齊飲終當不易心為盧循所攻還京師歷尚書領軍將軍晉中興書曰舊云往廣州飲貪泉失廉潔之性吳隱之為刺史白酌貪泉飲之題石門為詩云云

言語第二

邊文禮見袁奉高

也

失次序

文士傳曰邊讓字文禮陳留人才雋辯逸大將軍何

進聞其名召署令史以禮見之讓占對閒雅聲氣如流

坐客皆慕之讓出就曹時孔融王朗等並前為掾共書

刺從讓讓平衡與交接後為

九江太守為魏武帝所殺

奉高曰昔堯聘許由面無

怍色

皇甫謐曰由字武仲陽城槐里人也堯舜皆師而學事焉後隱於潁澤之中堯乃致天下而讓焉由

為人據叢履方邪席不坐邪膳不食閒堯讓而去其友

巢父聞由為堯所讓以為汚已乃臨池洗耳池主怒曰

何以汚我水由於是遁耕於中嶽潁水之陽箕山之下

終身無經天下色死葬箕山之巔在陽城之南十里堯

因就其墓號曰箕山公神以配

先生何為顛倒衣裳文

食五嶽世世奉祀至今不絕也

禮答曰明府初臨堯德未彰是以賤民顛倒衣裳耳

按

閱卒於太尉掾未嘗  
為汝南斯說謬矣

徐孺子

也 稭

年九歲嘗月下戲人語之曰若令月中無物

當極明邪

五經通議曰月中有兔蟾蜍者何月陰也蟾蜍亦陰也而與兔並明陰繫於陽也

徐曰不然譬如人眼中有瞳子無此必不明

孔文舉

也 融

年十歲隨父到洛時李元禮有盛名為司隸

校尉詣門者皆僞才清稱及中表親戚乃通文舉至門

謂吏曰我是李府君親既通前坐元禮問曰君與僕有

何親對曰昔先君仲尼與君先人伯陽有師資之尊是

僕與君奕世為通好也元禮及賓客莫不奇之太中大  
夫陳韞後至人以其語語之韞曰小時了了大未必佳  
文舉曰想君小時必當了了韞大踧踖

續漢書曰孔融  
字文舉魯國人

孔子二十四世孫也高祖父尚鉅鹿太守父宙秦世都  
尉融別傳曰融四歲與兄食梨輒引小者人問其故答  
曰小兒故當取小者年十歲隨父詣京師河南尹李膺  
有重望融欲觀其為人遂造之膺問高明父祖嘗與僕  
周旋乎融曰然先君孔子與君先人李老君同德比義  
而相師友則融與君累世通家也衆坐莫不嘆息僉曰  
異童子也太中大夫陳韞後至同坐以告韞曰人小時  
了了者長大未必能奇融應聲曰即如所言君之幼時  
豈實慧乎膺大笑顧謂  
融曰長大必為偉器

孔文舉有二子大者六歲小者五歲晝日父眠小者牀頭盜酒飲之大兒謂曰何以不拜荅曰偷那得行禮

孔融被收中外惶怖時融兒大者九歲小者八歲二兒故琢釘戲了無遽容融謂使者曰冀罪止於身二兒可

得全不兒徐進曰大人豈見覆巢之下復有完卵乎尋

亦收至

魏氏春秋曰融對孫權使有訕謗之言坐棄市

二子方八歲九歲融見收奕棋端坐不起左右

曰而父見執二子曰安有巢覆而卵不破者哉遂俱見殺世語曰魏太祖以歲儉禁酒融謂酒以成禮不宜禁由是惑衆太祖收寔法焉二子齟齬見收顧謂二子曰何以不辟二子曰父尚如此復何所辟裴松之以爲世



語云融兒不辟知必俱死猶差可安孫盛之言誠所未  
譬八歲小兒能懸了禍患聰明特達卓然既遠則其憂  
樂之情同亦有過或人矣安有見父被執而無變容矣  
棋不起若在暇豫者乎昔申生就命言不忘父不以已  
之將死而廢念父之情也父安尚猶若茲而況顓沛哉  
盛以此為美談無乃賊夫人之子與蓋由好奇情多而  
不知言之  
傷理也

# 潁川太守髡陳仲弓

按寔之在鄉里州郡有疑獄不能  
決者皆將詣寔或到而情首或中

途改辭或託狂悖皆曰寧為刑戮所苦不為陳君所非  
豈有威德感人若斯之甚而不自衛反招刑辟殆不然  
乎此所謂東  
野之言耳  
客有問元方府君何如元方曰高明之君

也足下家君何如曰忠臣孝子也客曰易稱二人同心

其利斷金同心之言其臭如蘭

王虞注繫辭曰金至堅矣同心者其利無不入

蘭芳物也無不樂者言其同心者物無不樂也

何有高明之君而刑忠臣孝子

者乎元方曰足下言何其謬也故不相答客曰足下但

因偏為恭而不能答元方曰昔高宗放孝子孝已

帝王世紀

曰殷高宗武丁有賢子孝已其母早死

高宗放孝子

高宗放後妻之言放之而死天下哀之

伯奇

琴操曰尹吉甫周卿也有子伯奇母死更娶後妻生子曰伯邳乃譖伯奇於吉甫於是放伯奇於野

宣王出遊吉甫從伯奇乃作歌以言感之宣王聞之曰此孝子之辭也吉甫乃求伯奇於野而射殺後妻董

仲舒放孝子符起

詳未

唯此三君高明之君唯此三子忠

臣孝子客慚而退

荀慈明與汝南袁閭相見

荀爽一名諱漢南紀曰諱文章典籍無不涉時人諱

曰荀氏八龍慈明無雙潛處篤志徵聘無所就張璠漢紀曰董卓秉政後徵爽爽欲遁去吏持之急起布衣九十五日而

至三公

問潁川人士慈明先及諸兄閭笑曰士但可

因親舊而已乎慈明曰足下相難依據者何經閭曰方

問國士而及諸兄是以尤之耳慈明曰昔者祁奚內舉

不失其子外舉不失其讐以為至公

春秋傳曰祁奚為中軍尉請老晉侯

問嗣焉稱解孤其讐也將立之而卒又問焉對曰午也可其子也君子謂祁奚可謂能舉善矣稱其讐不為諂

立其子  
不為比

公旦文王之詩不論堯舜之德而頌文武者親親之義也春秋之義內其國而外諸夏且不受其親而愛他人者不為悖德乎

禰衡被魏武謫為鼓吏正月半試鼓衡揚枹為漁陽摻槲淵淵有金石聲四坐為之改容

典略曰衡字正平平原潁人也文士傳曰

衡不知先所出逸才飄舉少與孔融作爾汝之交時衡未滿二十融已五十敬衡才秀共結殷勤不能相違以建安初北游或勸其詣京師貴游者衡懷一刺遂至漫滅竟無所詣融數與武帝賡稱其才帝傾心欲見衡稱疾不肯往而數有言論帝甚忿之以其才名不殺國欲辱之乃令錄為鼓吏後至八月朝會大閱試鼓節作三

重閭列坐賓客以綿絹製衣作一岑牟一單絞及小幘鼓吏度者皆當脫其故衣著此新衣次傳衡衡擊鼓為漁陽摻槌蹋地來前躡駁脚足容態不常鼓聲甚悲音節殊妙坐客莫不慷慨知必衡也既度不肯易衣吏呵之曰鼓吏何獨不易服衡便止當武帝前先脫幘次脫餘衣裸身而立徐徐乃著岑牟次著單絞後乃著幘畢復擊鼓摻槌而去顏色無作武帝笑謂四生曰本欲辱衡衡反辱孤至今有漁陽摻槌自衡造也為黃祖所殺

孔融曰褊衡罪同胥靡不能發明王之夢

皇甫謐帝王世紀曰武丁

夢天賜已賢人使百工寫其像求諸天下見築者胥靡衣褐於傳巖之野是謂傳說張晏曰胥靡刑名胥相也靡從也謂相從坐輕刑也魏武慚而赦之

南郡龐士元聞司馬德操在潁川故二千里候之至遇

德操采桑士元從車中謂曰吾聞丈夫處世當帶金佩

紫馬有屈洪流之量而執絲婦之事

蜀志曰龐統字士元襄陽人少時樸

鈍未有識者潁川司馬徽有知人之鑒士元弱冠往見徽徽采桑樹上坐士元樹下共語自晝至夜徽異之曰生當為南州士人之冠冕由是漸顯襄陽記曰士元德公之從子也年少未有識者唯德公重之年十八使往見德操與語數日德公誠知人實盛德也後劉備訪世事於德操德操曰俗士豈識時務此間自有伏龍鳳雛謂諸葛孔明與士元也華陽國志曰劉備引士元為軍帥中郎將將從攻洛為流矢所中卒時年三十八

德操曰

司馬徽別傳曰徽字德操潁川陽翟人有人倫鑒識居荊州知劉表性暗必害善人乃括囊不

談議時人有以人物問徽者初不辨其高下每輒言佳其婦諫曰人質所疑君宜辯論而一皆言佳豈人所以

咨君之意乎徽曰如君所言亦復佳其婉約遜遁如此  
嘗有妄認徽豬者便推與之後得其豬叩頭來還徽又  
厚辭謝之劉表子琮往候徽遣問在不會徽自鋤園琮  
左右問司馬君在邪徽曰我是也琮左右見其醜陋罵  
曰死庸將軍諸郎欲求見司馬君汝何等田奴而自稱  
是邪徽歸刈頭著幘出見琮左右見徽故是向老翁恐  
向琮道之琮起叩頭辭謝徽乃謂曰卿真不可然吾甚  
羞之此自鋤園唯卿知之耳有人臨蠶求簇箔者徽自  
棄其蠶而與之或曰凡人損己以贍人者謂彼急我緩  
也今彼此正等何為與人徽曰人未嘗求己求之不與  
將慚何有以財物令人慚者人謂劉表曰司馬德操奇  
士也但未遇耳表後見之曰世間人為妄語此直小書  
生耳其智而能愚皆此類荊州破

子且下車子適知邪

徑之速不慮失道之迷昔伯成耦耕不慕諸侯之榮

莊

曰堯治天下伯成子高立為諸侯禹為天子伯成辭諸侯而耕於野禹往見之趨就下風而問焉子高曰昔堯治天下不賞而民勸不罰而民畏今子賞罰而民且不仁德自此衰刑自此立夫子盍行邪毋落吾事

原

憲桑樞不易有官之宅

家語曰原憲字子思宋人孔子弟子居魯環堵之室茨以生草

蓬戶不完桑樞而甕牖上漏下濕坐而弦歌子貢軒車不容巷往見之曰先生何病也憲曰憲聞無財謂之貧學而不能行謂之病今憲貧也非病也夫希世而行比周而友學以為人教以為己仁義之應與馬之飾憲不忍為也

何有坐則華屋行則肥馬侍女數十然後為奇此

乃許父

許由

所以慷慨夷齊所以長嘆

孟子曰伯夷叔齊目不視惡色

耳不聽惡聲與鄉人處若

雖有竊秦之爵千駟之富

古史

在塗炭蓋聖人之清也



考曰呂不韋為秦子楚行千金貨於華陽夫人請立子楚為嗣及子楚立封不韋洛陽十萬戶號文信侯以詐獲爵故曰竊也論語曰齊景公有馬千駟

不足貴也士

元曰僕生出邊垂寡見大義若不一叩洪鐘伐雷鼓則不識其音響也

劉公幹以失敬罹罪

典畧曰劉楨字公幹東平寧陽人建安十六年世子為五官中郎將

妙選文學使楨隨侍太子酒酣坐歡乃使夫人甄氏出拜坐上客多伏而楨獨平視他日公聞乃收楨減死輸作部文士傳曰楨性辨捷所問應聲而答坐平視甄夫人配輸作部使磨石武帝問曰石何如楨因得喻已自理跪而對曰石出荆山懸巖之巔外有五色之章內含卞氏之珍磨之不加瑩雕之不增文稟氣堅貞受之自

然顧其理枉屈紆繞而不得  
申帝顧左右大笑即日赦之

文帝問曰卿何以不謹於文

憲楨答曰臣誠庸短亦由陛下網目不疎

魏志曰帝諱  
丕字子桓受

漢禪按諸書或云楨被刑魏武之世建安二十年病亡  
後七年文帝乃即位而謂楨得罪黃初之時謬矣

鍾毓鍾會少有令譽

魏書曰毓字稚叔潁川長社人相  
國縣長子也年十四為散騎侍郎

機說談笑有父風

年十三魏文帝聞之語其父鍾繇

魏志

仕至車騎將軍

曰繇字元常家貧好學為周易  
老子訓歷大理相國遷太傅

曰可令二子來於是敕

見毓面有汗帝曰卿面何以汗毓對曰戰戰惶惶汗出

如漿復問會卿何以不汗對曰戰戰慄慄汗不敢出

鍾毓兄弟小時值父晝寢因共偷服藥酒其父時覺且

託寐以觀之毓拜而後飲會飲而不拜

魏志曰會字士季繇少子也敏

惠風成中護軍蔣濟著論謂觀其眸子足以知人會年五歲繇遣見濟濟甚異之曰非常人也及壯有才數精鍊名理累遷黃門侍郎諸葛誕反文王征之會謀居多時人謂之子房拜鎮西將軍伐蜀蜀平進位司徒自謂功名蓋世不可復為入下謂所親曰我淮南以來盡無遺策四海共知持此欲安歸乎遂謀反既誅時年四十

既而問毓何以拜毓曰酒以成禮不敢不拜又問會何以不拜會曰偷本非禮所以不拜

魏明帝為外祖母築館於甄氏

魏末傳曰帝諱叡字元仲文帝太子以其母廢

未立為嗣文帝與俱獵見子母庖文帝射其母應弦而倒復令帝射其子帝置弓泣曰陛下已殺其母臣不忍復殺其子文帝曰好語動人心遂定為嗣是為明帝魏書曰文昭甄皇后明帝母也父逸上蔡令烈宗即位追封上蔡君嫡孫象襲爵象薨子暢嗣起大第車駕親自臨之

既成自行視謂左右曰

館當以何為名侍中繆襲曰

文章叙錄曰襲字熙伯東海蘭陵人有才學累遷侍

中光祿勳

陛下聖恩齊於哲王罔極過於曾閔此館之興情

鍾舅氏宜以渭陽為名

秦詩曰渭陽康公念母也康公之母晉獻公之女文公遭驪姬

之難未反而秦姬卒穆公納文公康公時為太子贈送文公於渭之陽念母之不見也我見舅氏如母存焉按魏書帝於後國為象母起觀名其里曰渭陽然則象母即帝之舅母非外祖母也且渭陽為館名亦乖舊史也

何平叔云服五石散非唯治病亦覺神明開朗

魏略曰何晏字

平叔南陽宛人漢大將軍進孫也或云何苗孫也尚主  
又好色故黃初時無所事任正始中曹爽用為中書主  
選舉宿舊者多得濟拔為司馬宣王所誅泰丞相寒食  
散論曰寒食散之方雖出漢代而用之者寡靡有傳焉  
魏尚書何晏首獲神效由是大行於世服者相尋也

嵇中散語趙景真

嵇紹趙至叙曰至字景真代郡人漢末其祖流宕客維氏令新之官

至年十二與母共道旁者母曰汝先世非微賤家也汝  
後能如此否至曰可爾耳歸便求師誦書早聞父耕叱  
牛聲釋書而泣師問之答曰自傷不能致榮華而使老  
父不免勤苦年十四入太學觀時先君在學寫石經古  
文事訖去遂隨車問先君姓名先君曰年少何以問我  
至曰觀君風器非常故問耳先君具告之至年十五陽

欽定四庫全書

七言律詩  
卷上之上

病數數狂走五里三里為家追得又灸身體十數處年  
十六遂亡命徑至洛陽求索先君不得至鄴沛國史仲  
和是魏領軍史渙孫也至便依之遂名翼字陽和先君  
到鄴至具道太學中事便逐先君歸山陽經年至長七  
尺三寸潔白黑髮赤脣明日鬢鬚不多聞詳安諦體若  
不勝衣先君嘗謂之曰卿頭小而銳瞳子白黑分明視  
瞻停諦有白起風至論議清辯有從橫才然亦不以自  
長也孟元基辟為遼東從事在郡斷九獄見稱清當自  
痛棄親遠遊母亡不見吐  
血發病服未竟而亡

卿瞳子白黑分明有白起之

風

嚴尤三將叙曰白起平原君勸趙孝成王受馮亭

王曰受之秦兵必至武安君必將誰能當之者乎  
對曰澠池之會臣察武安君小頭而面銳瞳子黑白  
分明視瞻不轉小頭而面銳者敢斷決也瞳子黑白  
分明者見事明也視瞻不轉者執志強也可與持久  
難與爭鋒廉頗為人勇驕而愛士知難而忍恥與之

野戰則不如持守足  
以當之王從其計

恨量小狹趙云尺表能審璣衡之

度

周髀曰夏至北方二萬六千里冬至南方十三萬五千里日中樹表則無影矣周髀長八尺夏至日晷尺

六寸髀股也晷勾也正南千里勾尺五寸正北千里勾尺七寸周髀之書也

寸管能測往復

之氣

呂氏春秋曰黃帝使伶倫自大夏之西崑崙之陰取竹之嶰谷生其竅厚薄均者斷兩節間而吹之

以為黃鍾之管制十二筩以聽鳳凰之鳴雄鳴六雌鳴六以為律呂續漢書律歷志曰十二律之變至於六十以律候氣候氣之法為室三重戶閉塗墾必周密布緹幔以木為案加律其上以葭莩灰抑其內為氣所動者其灰散也

何必在大但問識如何耳

司馬景王東征

魏書曰司馬師字子元相國宣文侯長子也以道德清粹重於朝廷為大將軍

錄尚書事母丘儉反

取上黨李喜以為從事中郎因問

師自征之薨謚景王

喜曰昔先公辟君不就今孤召君何以來喜對曰先公

以禮見待故得以禮進退明公以法見繩喜畏法而至

耳晉諸公贊曰喜字季和上黨銅鞮人也少有高行研精藝學宣帝為相國辟喜喜固辭疾景帝輔政為從

事中郎累遷光祿大

夫特進贈太保

鄧艾口喫語稱艾艾

魏志曰艾字士載棘陽人少為農人養犢年十二隨母至潁川讀故

太丘長碑文曰言為世範行為士則遂名範字士則後

宗族有同者故改焉每見高山大澤輒規度指畫軍營

處所時人多笑焉後見司馬宣王三辟為掾累

遷征西將軍伐蜀蜀平進位太尉為衛瓘所害

晉文王



戲之曰卿云父艾定是幾艾對曰鳳兮鳳兮故是一鳳  
朱鳳晉紀曰文王諱昭字子上宣帝次子也列仙傳曰  
陸通者楚狂接輿也好養性游諸名山嘗遇孔子而歌  
曰鳳兮鳳兮何德之衰往者不可諫  
來者猶可追後入蜀在峨嵋山中也

嵇中散既被誅向子期舉郡計入洛文王引進問曰聞  
君有箕山之志何以在此對曰巢許狷介之士不足多

慕王大咨嗟

向秀別傳曰秀字子期河內人少為同郡  
山濤所知又與譙國嵇康東平呂安友善

並有拔俗之韻其進止無不同而造事營生業亦不異  
常與嵇康偶鍛於洛邑與呂安灌園於山陽不慮家之  
有無外物不足拂其心弱冠者儒道論棄而不錄好事  
者或存之或云是其族人所作困於不行乃告秀欲假

其名秀笑曰可復爾耳後康被誅秀遂失圖乃應歲舉  
到京師詣大將軍司馬文王文王問曰聞君有箕山之  
志何能自屈秀曰常謂彼人不達竟意本非所  
慕也一生皆說隨次轉至黃門侍郎散騎常侍

晉武帝始登阼採策得一

晉世譜曰世祖諱炎字安宇咸熙二年受魏禪

王者

世數繫此多少帝既不說羣臣失色莫能有言者侍中

裴楷進曰臣聞天得一以清地得一以寧侯王得一以

為天下貞帝說羣臣歎服

王弼老子注云一者數之始物之極也各是一物所

以為主也各以其

一致此清寧貞

滿奮畏風在晉武帝坐北窓作琉璃屏實密似疏奮有

難色帝笑之

荀綽冀州紀曰奮字武秋高平人魏太尉寵之孫也性清平有識自吏部郎出為冀

州刺史晉諸公贊曰奮體量清雅有

奮答曰臣猶吳牛

曾祖寵之風遼尚書令為荀顗所害

見月而喘

今之水牛唯生江淮間故謂之吳牛也南土多暑而此牛畏熱見月疑是日所以見月則喘

諸葛靚在吳於朝堂大會

晉諸公贊曰靚字仲思琅邪人司空誕少子也雅正

有才望誕以壽陽叛遣靚入質於吳以靚為右將軍大司馬

孫皓問卿字仲思為

何所思對曰在家思孝事君思忠朋友思信如斯而已

蔡洪

洪集錄曰洪字叔開吳郡人有才辯初仕吳朝太康中本州從事舉秀才王隱晉書曰洪仕至

松滋令

赴洛洛中人問曰幕府初開羣公辟命求英奇於

仄陋采賢俊於巖穴君吳楚之士亡國之餘有何異才

而應斯舉蔡答曰夜光之珠不必出於孟津之河

舊說云隋

侯出行有蛇斬而中斷者侯連而續之蛇遂得生而去後街明月珠以報其德光明照夜同晝因曰隋珠左思

蜀都賦所謂隋

侯鄰其夜光也 盈握之璧不必采於崑崙之山

韓氏曰和氏之

璧蓋出於

井里之中 大禹生於東夷文王生於西羌

按孟子曰舜生於諸馮東

夷人也文王生於岐周西戎人也則東夷是舜非禹也

聖賢所出何必常處昔武

王伐紂遷頑民於洛邑

尚書曰成周既成遷殷頑民作多士孔安國注曰殷大夫心不

則德義之經故徙於王都通教誨也

得無諸君是其苗裔乎

按華令思舉秀才入洛與

王武子相酬對皆與此言不異無容二人同有此辭疑世說穿鑿也

諸名士共至洛水戲

竹林七賢論曰王濟諸人嘗至洛水

何語議

還樂令

廣

問王夷甫曰今日戲樂乎

虞預晉書曰王衍字

夷甫琅邪臨沂人司徒戎從弟父又平北將軍夷甫早知名以清虛通理稱仕至太尉為石勒所害

王曰

裴僕射善談名理混混有雅致

晉惠帝起居注曰裴頠字逸民河東聞喜人司

空秀之少子也冀州記曰頠弘濟有清識稽古善言名

理履行高整自少知名歷侍中尚書左僕射為趙王倫

所害張茂先論史漢靡靡可聽

晉陽秋曰華博覽洽聞無不貫綜世祖嘗問漢事及

建章千門萬戶華畫地成圖

我與王安豐

戎

說延陵子

應對如流張安世不能過也

房亦超超玄著

晉諸公贊曰夷甫好尚談稱為時人物所宗

王武子

晉諸公贊曰王濟字武子太原晉陽人司徒渾第二子也有雋才能清言起家中書郎終太僕

孫子荆

文士傳曰淩楚字子荆太原中都人也晉陽秋曰楚驃騎將軍資之孫南陽太守宏之子鄉人

王濟豪俊公子為本州大中正訪問宏為鄉里品狀濟曰此人非鄉評所能名吾自狀之曰天才英特亮拔不羣仕至馮翊太守

各言其土地人物之美王云其地坦而平其

水淡而清其人廉且貞孫云其山巖巍以嵯峨其水渾

渫而揚波其人磊砢而英多

按三秦記語林載蜀人伊籍稱吳土地人物與此語

同

樂令女適大將軍成都王穎

虞預晉書曰樂廣字彥輔南陽人清夷冲曠加有理

識累遷侍中河南尹在朝廷用心虛淡時人重其貞貴

代王戎為尚書令八王故事曰司馬穎字叔度世祖第

十九子封成

王兄長沙王執權於洛

晉百官名曰司馬

都王大將軍

王八王故事曰

遂構兵相圖長沙王親近小人遠外君

世祖第十七子

子凡在朝者人懷危懼樂令既允朝望加有婚親羣小

讒於長沙長沙嘗問樂令神色自若徐答曰豈以五

男易一女

晉陽秋曰成都王之起兵長沙王猜廣廣曰

由

寧以一女而易五男人猶疑之遂以憂卒

是釋然無復疑慮

陸機詣王武子

晉陽秋曰機字士衡吳郡人祖遜吳丞相父抗大司馬機與弟雲並有雋才司

空張華見而說之曰平吳之利在獲二雋機別傳曰博學善屬文非禮不動入晉仕著作郎至平原內史武

子前置數斛羊酪指以示陸曰卿江東何以敵此陸云

有千里尊羹但未下鹽豉耳

中朝有小兒父病行乞藥主人問病曰患瘡也主人曰

尊侯明德君子何以病瘡

俗傳行瘡鬼小多不病巨人故光武嘗謂景丹曰嘗聞壯

士不病瘡大將

軍反病瘡耳

答曰來病君子所以為瘡耳

崔正熊詣都都郡將姓陳問正熊君去崔杼幾世答



曰民去崔杼如明府之去陳恒

晉百官名曰崔豹字正熊燕國人惠帝時官至

太傅

丞

元帝始過江

朱鳳晉書曰帝諱睿字景文祖伯封琅邪王父恭王瑾嗣帝襲爵為琅邪王少而明

惠因亂過江起義遂即皇帝位謚法曰始建國都曰元

謂顧驃騎曰寄人國土心

常懷慚榮跪對曰臣聞王者以天下為家是以耿亮無

定處

帝王世紀曰殷祖乙徙耿為河所毀今河東皮氏耿鄉是也盤庚五遷復南居亳今景亳是也

九

鼎遷洛邑

春秋傳曰武王克商遷九鼎於洛邑今之偃師是也

願陛下勿以遷都

為念

庾公造周伯仁

虞預音書曰周顗字伯仁汝南安城人揚州刺史浚長子也晉陽秋曰顗有風

流才氣少知名正體巖然儕輩不敢媒也汝南賁泰謝

道清操之士嘗嘆曰汝穎固多賢士自頃陵遲雅道殆

衰今復見周伯仁伯仁將祛舊風清我邦

伯仁曰君何

族矣舉寒素累遷尚書僕射為王敦所害

所欣說而忽肥庾曰君復何所憂慘而忽瘦伯仁曰

吾何所憂直是清虛日來滓穢日去耳

過江諸人每至美日輒相邀新亭藉卉飲宴

丹陽記曰新亭吳舊

立先基崩淪隆安中丹陽

周侯

顗也

中坐而嘆曰風景不

尹司馬恢之徒創今地

殊正自有山河之異皆相視流淚唯王丞相

導也

愀然變

色曰當其戮力王室克復神州何至作楚囚相對

春秋傳曰

楚伐鄭諸侯救之鄭執郕公鍾儀獻晉景公觀軍府見而問之曰南冠而縶者為誰有司對曰楚囚也使稅之問其族對曰伶人也能為樂乎曰先父之職敢有二事與之琴操南音范文子曰楚囚君子也樂操土風不忘舊也君盍歸之以合晉楚之成

衛洗馬初欲渡江形神慘頓語左右云見此茫茫不覺百端交集苟未免有情亦復誰能遣此

晉諸公贊曰衛玠字叔寶河東

安邑人祖父璠太尉父恒黃門侍郎玠別傳曰玠穎識通達天韻標令陳郡謝幼輿敬以亞父之禮論者以為出王眉子平子武子之右世咸謂諸王三子不如衛家一兒娶樂廣女裴叔道曰妻父有水清之姿婿有瑩潤

之望所謂秦晉之匹也為太子洗馬永嘉四年南至江夏與凡別於梁里澗語曰在三之義人之所重今日忠臣致身之道可不勉

乎行至豫章乃卒

顧司空未知名詣王丞相丞相小極對之疲睡顧思所

以叩會之

顧和別傳曰和字君孝吳郡人祖容吳荊州刺史父相晉臨海太守和總角知名族人顧

榮雅相器愛曰此吾家之驥也必振衰族累遷尚書令

因謂同坐曰昔每聞元公

顧道公協贊中宗保全江表

鄧粲晉紀曰導與元帝有布衣之好知中國將亂勸

帝渡江求為安東司馬政皆決之號仲父晉中興之功導實居其首

體小不安令人喘息

丞相因覺謂顧曰此子珪璋特達機警有鋒

會稽賀生體識清遠言行以禮賀循別見不徒東南之美爾雅

曰東南之美者有

實為海內之秀

會稽之竹箭焉

劉琨雖隔閼寇戎志存本朝

王隱晉書曰琨字越石中山魏昌人祖邁有經國之

才父璠光祿大夫琨少稱雋朗累遷司徒長史尚書右丞迎大駕於長安以有殊勲封廣武侯年三十五出為

并州刺史為

謂溫嶠曰班彪識劉氏之復興馬援知漢

光之可輔

漢書叙傳曰彪字叔皮扶風人客於天水隴西隗囂有窺覲之志彪作王命論以諷之東

觀漢記曰馬援字文淵茂陵人從公孫述隗囂游後見光武曰天下反覆盜名字者不可勝數今見陛下寥廓

大度同符高祖乃知帝王

今晉阼雖衰天命未改吾欲

自有真也帝甚壯之

立功於河北使卿延譽於江南子其行乎溫曰嶠雖不敏才非昔人明公以桓文之姿建匡立之功豈敢辭命

虞預晉書曰嶠字太真太原祁人少標俊清徹英穎顯名為司空劉琨左司馬是時二都傾覆天下大亂琨聞元皇受命中興慷慨幽朔志存本朝使嶠奉使嶠喟然對曰嶠雖乏管張之才而明公有桓文之志敢辭不敏以違高旨以左長史奉使

勸進累遷驃騎大將軍

溫嶠初為劉琨使來過江於時江左營建始爾綱紀未舉溫新至深有諸慮既詣王丞相陳主上幽越社稷焚滅山陵夷毀之酷有黍離之痛溫忠慨深烈言與泗俱

丞相亦與之對泣叙情既畢便深自陳結丞相亦厚相

酬納既出懽然言曰江左自有管夷吾此復何憂

史記曰管

仲夷吾者潁上人相齊桓公九合諸侯一匡天下語林曰初溫奉使勸進晉王大集賓客見之溫公始入姿形甚陋合坐盡驚既坐陳說九服分崩皇室弛絕晉王君臣莫不歎歔及言天下不可以無主聞者莫不踴躍植髮穿冠王丞相深相付託溫公既見丞相便游樂不住曰既見管仲天下事無復憂

王敦兄含為光祿勳

含別傳曰含字處弘琅邪臨沂人累遷徐州刺史光祿勳與弟敦作

誅逆伏

敦既逆謀屯據南州含委職奔姑孰

鄧粲晉紀曰初王導協贊

中興敦有方面之功敦以劉隗為間已舉兵討之故含南奔武昌朝廷始警備也

王丞相詣闕

謝

中興書曰導從兄敦舉兵討劉隗導率子弟二十餘人旦旦到公車泥首謝罪

司徒丞相揚

州官僚問訊倉卒不知何辭顧司空時為揚州別駕接

翰曰王光祿遠避流言明公蒙塵路次羣下不寧不審

尊體起居何如

郗太尉拜司空語同坐曰平生意不在多值世故紛紜

遂至台鼎朱博翰音實愧於懷

漢書朱博字子元杜陵人為丞相臨拜延

登受策有大聲如鐘鳴上問揚雄李尋對曰洪範所謂鼓妖者也人君不聰空名得進則有無形之聲博後坐事自殺故序傳曰博之翰音鼓妖先作易中孚曰上九翰音登于天貞凶王弼注曰翰高飛也飛者音飛而實



不從也

高坐道人不作漢語或問此意簡文曰以簡應對之煩

高坐別傳曰和尚胡名尸黎密西域人傳云國王子以國讓弟遂為沙門永嘉中始到此土止於大市中和尚天竺高朗風韻道邁丞相王公一見奇之以為吾之徒也周僕射領選撫其背而嘆曰若選得此賢令人無恨俄而周侯遇害和尚對其靈坐作胡祝數千言音聲高暢既而憚涕收淚其哀樂廢興皆此類性高簡不學晉語諸公與之言皆因傳譯然神領意得頓在言前塔寺記曰尸黎密冢曰高坐在石子岡常行頭陀卒於梅岡即莫焉晉元帝於冢邊立寺因名高坐

周僕射雍容好儀形詣王公初下車隱數人王公含笑

省之既坐傲然嘯詠王公曰卿欲希嵇阮耶荅曰何敢

近舍明公遠希嵇阮

鄭衆晉紀曰伯仁儀容弘偉善於俯仰應答精神足以蔭映數人深

自持能致人

而未嘗往焉

庾公嘗入佛圖見卧佛

涅槃經云如來背痛於雙樹間北首而卧故後之圖繪者為此

象

曰此子疲於津梁於時以為名言

摯瞻曾作四郡太守大將軍戶曹參軍復出作內史

摯

世本曰瞻字景游京兆長安人太常虞兄子也父育涼州刺史瞻少善屬文起家著作郎中朝龜依王敦為戶曹參軍歷安豐新蔡西陽太守見敦以故懷義賜老病外部都督瞻諫曰尊表雖故不宜與小吏敦曰何為不

可瞻時因醉曰若上服皆可用賜貂蟬亦可賜下乎敦  
曰非喻所引如此不堪二千石瞻曰瞻視去西陽始脫  
屣耳敦反乃左

年始二十九嘗別王敦敦謂瞻曰卿年

未三十已為萬石亦太早瞻曰方於將軍少為太早此

之甘羅已為太老

擊氏世本日瞻高亮有氣節故以此  
答敦後知敦有異志建興四年與第

五琦據荊州以距敦竟為所害史記曰甘羅秦相茂之  
孫也年十二而秦相呂不韋欲使張唐相燕唐不肯行  
甘羅說而行之又請車五乘以使趙還  
報秦秦封甘羅為上卿賜以甘茂田宅

梁國楊氏子九歲甚聰慧孔君平

王隱晉書曰孔坦字  
君平會稽山陰人善

春秋有文辯歷太子  
舍人累遷廷尉卿

詣其父父不在乃呼兒出為設果

有楊梅孔指以示兒曰此是君家果兒應聲答曰未聞孔雀是夫子家禽

孔廷尉以裘與從弟沈

孔氏譜曰沈字德度會稽山陰人祖父奕全椒令父羣鴻臚卿

沈立琅邪王文學

沈辭不受廷尉曰晏平仲之儉祀其先人脉

肩不掩豆猶狐裘數十年

劉向別錄曰晏平仲名嬰宋萊夷離人事齊靈公莊

公以節儉力行重於齊禮記曰晏平仲祀其先人豚肩不掩豆君子以爲儉也又曰晏子一狐裘三十年晏子馬知禮注豚俎實也豆徑尺言併豚之兩肩不能掩豆喻少也

卿復何辭此於是受

而服之

# 佛圖澄與諸石遊

澄別傳曰道人佛圖澄不知何許人出於燉煌好佛道出家為沙門永嘉

中至洛陽值京師有難潛適草澤間石勒雄異好殺害因勒大將軍郭默略見勒以麻油塗掌占見吉凶數百里外聽浮圖鈴聲逆知禍福勒甚敬信之虎即位亦師澄號大和尚自知終日開棺無屍唯袈裟法服在焉

# 林公曰澄以石虎為海鷗鳥

趙書曰虎字季龍勒從弟也征伐每斬將塞旗勒死

誅勒諸兒襲位莊子曰海上之人好鷗者每旦之海上從鷗游鷗之至者數百而不止其父曰吾聞鷗鳥從汝游取來玩之明日之海上鷗舞而不下

# 謝仁祖年八歲謝豫章

鯉子別見

將送客爾時語已神悟自

參上流諸人咸共嘆之曰年少一坐之顏回仁祖曰坐

無尼父焉別顏回

晉陽秋曰謝尚字仁祖陳郡人鯉之子也齒齟喪兄哀慟過人及遭父喪

溫嶠唁之尚號咷極哀既而收涕告訴有異常童嶠奇之由是知名仕至鎮西將軍豫州刺史

陶公疾篤都無獻替之言朝士以為恨

陶氏叙曰侃字士衡其先鄱陽

人後徙尋陽侃少有遠襟綱維宇宙之志察孝廉入洛司空張華見而謂曰後來匡主寧民君其人也劉弘鎮沔南取為長史謂侃曰昔吾為羊太傅參佐見語云君後當居身處今相觀亦復然矣累遷湘廣荆三州刺史加羽葆鼓吹封長沙郡公大將軍贊拜不名劔履上殿進太尉贈大司馬謚桓公按王隱晉書載侃臨終表曰臣少長孤寒始願有限過蒙先朝歷世異恩臣年垂八十位極人臣啟手啟足當復何恨但以餘寇未誅山陵未復所以憤慨兼懷唯此而已猶冀犬馬之齒尚可少延欲為陛下北吞石虎西誅李雄勢遂不振良圖永息

臨書振腕涕泗橫流伏願遶遶代人使必得良才足以奉宣王猷遵成志業則雖死之日猶生之年有表若此

非無

仁祖聞之曰時無豎刁故不貽陶公話言

呂氏春秋曰管

獻替

仲病桓公問曰子如不諱誰代子相者豎刁何如

時賢

以為德音

竺法深在簡文坐劉尹問道人何以游朱門答曰君自

見其朱門貧道如游蓬戶

高逸沙門傳曰法師居會稽皇帝重其風德遣使迎焉法

師暫出應命司徒會稽王天性虛淡與法師結殷勤之歡師雖升履丹墀出入朱戟泯然曠達不異蓬宇也

或云卞令

別見

孫盛為庾公記室參軍

中興書曰盛字安國太原中都人博學強識歷著作郎劉陽令

庾亮為荊州以為征西主簿累遷祕書監

從獵將其二兒俱行庾公不知忽

於獵場見齊莊時年七八歲庾謂曰君亦復來邪應聲

答曰所謂無小無大從公于邁

孫齊由齊莊二人小時詣庾公公問齊由何字答曰字

齊由公曰欲何齊耶曰齊許由

晉百官名曰孫潛字齊由太原人中興書曰潛

盛長子也豫章太守殷仲堪下討王國寶潛時在郡逼為咨議參軍固辭不就遂以憂卒

齊莊何字

答曰字齊莊公曰欲何齊曰齊莊周公曰何不慕仲尼



而慕莊周對曰聖人生知故難企慕庾公大喜小兒對

孫放別傳曰放字齊莊監君次子也年八歲太尉庾公  
召見之放清秀欲觀試乃授紙筆令書放便自疏名字  
公題後問之曰為欲慕莊周耶放書答曰意欲慕之公  
曰何故不慕仲尼而慕莊周放曰仲尼生而知之非希  
企所及至於莊周是其次者故慕耳公謂賓  
客曰王輔嗣應答恐不能勝之卒長沙王相

張玄之顧敷是顧和中外孫皆少而聰惠和並知之而

常謂顧勝親重偏至張頗不懌

敷別見續晉陽秋曰張玄之字祖希吳郡太守

澄之孫也少以學顯歷吏部尚書出為冠軍將軍吳興  
太守會稽內史謝玄同時之郡論者以為南北之望玄  
之名亞謝玄時亦稱

南北二玄卒於郡

於時張年九歲顧年七歲和與俱

至寺中見佛般泥洹像弟子有泣者有不泣者和以問  
二孫玄謂被親故泣不被親故不泣數曰不然當由忘  
情故不泣不能忘情故泣大智度論曰佛在陰菴羅雙  
樹間入般涅槃臥北首大地  
震動諸三學人愈然不樂郁伊文  
涕諸無學人但念諸法一切無常

庾法暢造庾太尉握麈尾至佳公曰此至佳那得在法  
暢曰廉者不求貪者不與故得在耳法暢氏族所出未  
詳法暢著人物論

自叙其美云悟銳  
有神才辭通辯

庾穉恭為荊州

庾翼別傳曰翼字穉恭潁川鄢陵人也  
少有大度時論以經略許之兄太尉亮

覺朝議推才乃以翼都督七  
州進征南將軍荊州刺史

以毛扇上武帝武帝疑是

故物

傳咸羽扇賦序曰昔吳人直截鳥翼而搖之風不  
藏方圓二扇而功無加然中國莫有生意者滅吳

之後翕然貴之無人不用按庾懌以白羽  
扇獻武帝帝嫌其非新反之不聞翼也

侍中劉劭曰

文字志曰劭字彥祖彭城東亭人祖訥司隸校尉父松  
成彥令劭博識好學多藝能善草隸初仕領軍參軍太  
傅出東劭謂京洛必危乃單  
馬奔揚州歷侍中豫章太守

柏梁雲構工匠先居其下

管絃繁奏鍾夔先聽其音

鍾鍾期也  
夔夔樂正

穉恭上扇以好

不以新庾後聞之曰此人宜在帝左右

何驃騎亡後

何充  
別見

徵褚公入既至石頭王長史劉尹同

詣褚褚曰真長何以處我真長顧王曰此子能言褚因

視王王曰國自有周公

晉陽秋曰克之卒議者謂太后父裒宜秉朝政裒自丹陽入朝

吏部尚書劉遐勸裒曰會稽王令德國之周公也足下宜以大政付之裒長史王胡之亦勸歸藩於是同辭歸京

桓公北征經金城見前為琅邪時種柳皆已十圍慨然

曰木猶如此人何以堪攀枝執條泣然流淚

桓溫別傳曰溫字元

子燕國龍亢人漢五更桓榮後也父彝有識鑒溫少有豪邁風氣為溫嶠所知累遷琅邪內史進征西大將軍鎮西夏時逆胡未誅餘燼假息溫親勒郡卒建旗致討清蕩伊洛展敬園陵薨謚宣武侯

簡文作撫軍時嘗與桓宣武俱入朝更相讓在前宣武

不得已而先之因曰伯也執爰為王前驅

衛詩也爰長一文二尺無

初簡文曰所謂無小無大從公于邁

顧悅與簡文同年而髮早白

中興書曰悅字君叔晉陵人初為殷浩揚州別駕浩

卒上疏理浩或諫以浩為太宗所廢必不依許悅固爭之浩果得中物論稱之後至尚書左丞

簡文曰

卿何以先白對曰蒲柳之姿望秋而落松柏之質經霜

彌茂

顧凱之為父傳曰君以直道陵遲於世入見王王髮無二毛而君已斑白問君年乃曰卿何偏早白

君曰松柏之姿經霜猶茂臣蒲柳之質

望秋先零受命之異也王稱善久之

桓公入峽絕壁天懸騰波迅急

晉陽秋曰溫以永和二年率所領七千餘人伐

蜀拜表

迺嘆曰既為忠臣不得為孝子如何

漢書曰王陽為益州

刺史行部至印犍九折坂歎曰奉先人遺體奈何數乘此險以病去官後王尊為刺史至其坂問吏曰非王陽所畏之道耶吏曰是叱其馭曰驅之王陽為孝子王尊為忠臣

初熒惑入太微尋廢海西

晉陽秋曰泰和六年閏十月熒惑守太微端門十一月大

司馬桓溫廢帝為海西公晉安帝紀曰桓溫於枋頭奔敗知民望之去也乃屠索真於壽陽既而謂郗超曰足以雪枋頭之恥乎超曰未厭有識之情也公六十之年敗於大舉不建高世之勲未足以鎮厭民望因說溫以廢立之事時溫風有此

簡文登阼復入太微帝惡之

徐廣

謀深納超言遂廢海西

曰咸安元年十二月熒惑逆行入太微至二年七月猶在焉帝懲海西之事心甚憂之

時郝超為

中書在直

中興書曰超字景興高平人司空惜之子也少而卓犖不羈有曠世之度累遷中書郎司

徒左長史

引超入曰天命脩短故非所計政當無復近日事

不超曰大司馬方將外固封疆內鎮社稷必無若此之

慮臣為陛下以百口保之帝因誦庾仲初詩

庾闡從征詩也

曰

志士痛朝危忠臣哀主辱聲甚悽厲郝受假還東帝

曰致意尊公家國之事遂至於此由是身不能以道匡

衛思患預防愧歎之深言何能喻因泣下流襟

續晉陽秋曰帝

外壓彊臣憂憤不得

志在位二年而崩

簡文在暗室中坐召宣武宣武至問上何在簡文曰某

在斯時人以為能

論語曰師冕見及階子曰階也及席子曰席也皆坐子告之曰某在斯某在

斯注歷告

坐中人也

簡文入華林園顧謂左右曰會心處不必在遠翳然林

水便自有濠濮間想也

濠濮二水名也莊子曰莊子與惠子游濠梁水上莊子曰

儵魚出游從容是魚樂也惠子曰子非魚安知魚之樂

耶莊子曰子非我安知我之不知魚之樂也莊周釣在

濮水楚王使二大夫造焉曰願以境內累莊子莊子持

竿不顧曰吾聞楚有神龜者死已三千年矣巾笥而藏



於廟此寧曳尾於塗中寧留骨而貴乎二大夫曰覺鳥  
寧曳尾於塗中莊子曰往矣吾亦寧曳尾於塗中

獸禽魚自來親人

謝太傅語王右軍曰中年傷於哀樂與親友別輒作數

日惡王曰

文字志曰王羲之字逸少琅邪臨沂人父曠淮南太守羲之少朗拔為叔父虞所賞善草

隸累遷江州刺史右軍將軍會稽內史

年在桑榆自然至此正賴絲竹陶

寫恒恐兒輩覺損欣樂之趣

支道林常養數匹馬或言道人畜馬不韻支曰貧道重

其神駿

高逸沙門傳曰支遁字道林河內林慮人或曰陳留人本姓關氏少而任心獨往屢期高亮客

世奉法宮於餘杭山沈思道行冷然獨暢年二十五始釋形入道年五十三終於洛陽

劉尹與桓宣武共聽講禮記桓云時有入心處便覺咫尺玄門劉曰此未關至極自是金華殿之語

漢書敘傳曰班伯少

受詩於師丹大將軍王鳳薦伯於成帝宜勸學伯見安

睡升為中常侍時上方向學鄭寬中張禹朝夕入說尚

書論語於金華

殿詔伯受之

羊秉為撫軍參軍少亡有令譽夏侯孝若為之叙極相

讚悼

羊秉敘曰秉字長達太山平陽人漢南陽太守續

曾孫大父魏郡府君即車騎掾元子也府君夫人

鄒氏無子乃養秉齡既而佳小心敬慎十歲而鄭夫人薨秉思容盡哀戚而公府掾及夫人並卒秉羣從父率

禮相承人不聞其親雍雍如也仕參撫軍將軍事將奮  
千里之足揮沖天之翼惜乎春秋三十有二而卒昔罕  
虎死子產以為無與為善自夫子之沒子產之嘆矣  
亡後有子男又不育是何行善而禍繁也豈非司馬生  
之所感與

羊權為黃門侍郎侍簡文坐帝問曰夏侯湛

別作

羊秉叙絕可想是卿何物有後不

羊氏譜曰權字道興徐州刺史悅之子也

仕至尚書左丞

權潛然對曰亡伯令問夙彰而無有繼嗣雖名

播天聽然肩絕聖世帝嗟慨久之

王長史與劉真長別後相見

王長史別傳曰濛字仲祖太原晉陽人其先出自周

室經漢魏世為大族祖父佐北軍中候父訥葉令濛神  
氣清韶年十餘歲放邁不羣弱冠檢尚風流雅正外絕

營鏡內寡私欲辟司徒掾中書郎以后父贈光祿寺大夫

王謂劉曰卿更長進客

曰此若天之自高耳

語林曰仲祖語真長曰卿近大進劉曰卿仰看邪王問何意劉曰不

爾何由測

天之高也

劉尹云人想王荆產佳此想長松下當有清風耳

荆產王微

小字也王氏語曰微字幼仁琅邪人祖父父平

北將軍父澄荊州刺史微歷尚書郎右軍司馬

王仲祖聞蠶語不解茫然曰若使介葛盧來朝故當不

昧此語

春秋傳曰介葛盧來朝魯聞牛鳴曰是生三犧皆用之矣其音云聞之而信杜預注曰介東夷

國葛盧共

君名也

劉真長為丹陽尹許玄度出都就劉宿

續晉陽秋曰許詢字玄度高陽

人魏中領軍允玄孫總角秀惠衆稱神

童長而風情簡素司徒掾辟不就早卒

牀帷新麗飲食

豐甘許曰若保全此處殊勝東山劉曰卿若知吉凶由

人吾安得不保此

春秋傳曰吉凶無門惟人所召

王逸少在坐曰令巢

許遇稷契當無此言二人並有愧色

王右軍與謝太傅共登冶城

揚州記曰冶城吳時鼓鑄之所吳平猶不廢王茂弘

所治也

謝悠然遠想有高世之志王謂謝曰夏禹勤王手

足胼胝

帝王世紀曰禹治洪水手足胼胝世傳禹病偏枯足不相過今稱禹步是也

文王旰

食日不暇給

尚書曰文王自朝至于日昃不遑暇食

今四郊多壘

禮記曰四郊多

壘卿大夫之辱也

宜人人自效而虛談廢務浮文妨要恐非當

今所宜謝答曰秦任商鞅二世而亡

戰國策曰衛商鞅諸庶孽子名鞅姓

公孫氏少好刑名學為秦孝公相封於商

豈清言致患邪

謝太傅寒雪日内集與兒女講論文義俄而雪驟公欣

然曰白雪紛紛何所似兄子胡兒曰

胡兒謝朗小字也續晉陽秋曰朗字

長度安次兄據之長子安早知之文義艷發名亞於玄仕至東陽太守

撒鹽空中差可擬

兄女曰未若柳絮因風起公大笑樂即公大兄無奕女左

# 將軍王凝之妻也

王氏譜曰凝之字叔平右將軍羲之第二子也歷江州刺史左將軍會稽

內史晉安帝紀曰凝之事五斗米道孫恩之攻會稽凝之謂民吏曰不須備防吾已請大道許遣鬼兵相助賊自破矣既不設備遂為恩所害婦人集曰謝夫人名道蘊有文才所著詩賦誄頌傳於世

## 王中郎令伏玄度習鑿齒

王中郎傳曰坦之字文度太原晉陽人祖東海太守丞清

淡平遠父述貞貴簡正坦之器度淳深孝友天至譽輯朝野標的當時累遷侍中中書令領北中郎將徐充二州刺史中興書曰伏滔字玄度平昌安丘人少有才學舉秀才大司馬桓溫參軍領大著作掌國史游擊將軍卒習鑿齒字彥威襄陽人少以文稱善尺牘桓溫在荊州辟為從事歷治中別駕遷榮陽太守

## 論青楚

## 人物

滔集載其論畧曰滔以春秋時鮑叔管仲隰朋召忽輪扁甯戚麥丘人逢丑父晏嬰涓子戰國時公

羊高孟軻鄒衍田單荀卿鄒奭莒大夫田子方檀子魯  
連淳子髡盼子田光顏默黔子於陵仲子王叔即墨大  
夫前漢時伏微君終軍東郭先生叔孫通萬石君東方  
朔安期先生後吳時大司徒伏三老江革逢萌禽慶承  
幼子徐防薛方鄭康成周孟玉劉祖榮臨孝存侍其元  
矩孫寶碩劉仲謀劉公山王儀伯郎宗禰正平劉成國  
魏時管幼安邴根矩華子魚徐偉長任昭先伏高陽此  
皆青士有才德者也鑿齒以神農生於黔中邵南咏其  
美化春秋稱其多才漢廣之風不同雞鳴之篇子文叔  
敖羞與管晏比德接輿之歌鳳兮漁父之咏滄浪漢陰  
丈人之折子貢市南宜僚屠羊說之不為利回魯仲連  
不及老萊夫妻田光之於屈原鄧禹卓茂無敵於天下  
管幼安不勝龐公龐士元不推華子魚何鄧二尚書獨  
步於魏朝樂令無對於晉世昔伏羲莫南郡少昊莫長  
沙舜莫零陵比其人則準的如此論其土則羣聖之所  
莫考其風則詩人之所歌尋其事則未有赤眉黃巾之



賊此何如青州邪臨成以示韓康伯康伯都無言  
相往反鑿齒無以對也

王曰何故不言韓曰無可無不可

馬融注論語曰唯義所在

劉尹云清風朗月輒思玄度

晉中興士人書曰許詢能清言於時士人皆欽慕仰

愛之

荀中郎在京口

晉陽秋曰荀羨字全則潁川人光祿大夫崧之子也清和有識裁少以主婿為

尉馬都尉是時殷浩參謀百揆引羨為援頻蒞義興吳郡起授北中郎將徐州刺史以蕃屏馬中興書曰羨年一十八出為徐兗二州中興登北固望海云南徐州記方伯之少未有若羨者也

有別嶺入江三面臨水

雖未覩三山便自使人有凌雲

高數十丈號曰北固

意若秦漢之君必當褰裳濡足

史記封禪書曰蓬萊方丈瀛洲此三山世傳在

海中去人不遠當有至者言諸仙人不死藥在焉黃金白銀爲宮闕草木禽獸盡白望之如雲及至反居水下飲到即風引船而去終莫能至秦始皇登會稽並海上冀遇三神山之奇藥漢武帝既封泰山無風雨慶至方士更言蓬萊諸藥可得於是上破然東至海冀獲蓬萊者

謝公云賢聖去人其間亦邇子姪未之許公歎曰若郗

超聞此語必不至河漢

超別傳曰超精於理義沙門支遁林以爲一時之後莊子曰鳥

吾問於連叔曰吾聞言於接輿大而無當往而不反莊子其言猶河漢而無極也

支公好鶴住郟東岫山

支公書曰山去會稽二百里

有人遺其雙鶴

少時翅長欲飛支意惜之乃鎩其翮鶴軒翥不復能飛  
乃反顧翅垂頭視之如有懊喪意林曰既有凌霄之姿  
何肯為人作耳目近玩養令翮成置使飛去

謝中郎經曲阿後湖問左右此是何水

中興書曰謝萬字萬石太傅安

弟也才氣高俊早知名歷吏部

西中郎將豫州刺史散騎常侍答曰曲阿湖

太康地記曰曲阿本

名雲陽秦始皇以有王氣鑿北阮山以敗其勢截其直道使其阿曲故曰曲阿也吳還為雲陽今復名曲阿

謝曰故當淵注渟著納而不流

晉武帝每餉山濤恒少謝太傅

安也

以問子弟車騎

立也

答

曰當由欲者不多而使與者忘少

謝車騎家傳曰玄字幼度鎮西夷第三子

也神理明俊善微言叔父太傅嘗與子珪燕集問武帝任山公以三事任以官人至於賜予不過斤合當有旨

不立答有

辭致也

謝胡兒語庾道季

道季庾和小字徐廣晉紀曰和字道季太尉亮子也風情率悟以文談致稱於

時歷任至丹陽

尹兼中領軍

諸人莫敢就卿談可堅城壘庾曰若文

度來我以偏師待之康伯來濟河焚舟

春秋傳曰秦伯伐晉濟河焚舟

杜預曰

示必死

李弘度常歎不被遇

中興書曰李充字弘度江夏鄢人也祖康父矩皆有美名充初辟丞

相掾記室參軍以貧求  
判縣遷大著作中書郎

殷揚州

殷浩別見

知其家貧問君能

屈志百里不李答曰北門之歎久已上聞

衛詩北門刺仕不得志也

窮猿奔林豈暇擇木遂授判縣

王司州至吳興印渚中看

王胡之別傳曰胡之字脩齡琅邪臨沂人王廙之子也歷

吳興太守徵侍中母陽尹秘書監並不就拜使持節都督司州諸軍事西中郎將司州刺史吳興記曰於潛縣東七十里有印渚渚旁有白石山峻壁四十丈印渚蓋衆溪之下流也印渚已上至縣志石瀨惡道不可行船印渚已下水道無

嘆曰非唯使人情開滌亦覺日月清

險故行旅集焉

朗

謝萬作豫州都督新拜當西之都邑相送累日謝疲頓

於是高侍中往

中興書曰高崧字茂琰廣陵人父愷光祿大夫崧少好學善史傳累遷吏部郎

侍中以公

徑就謝坐因問卿今仗節方州當疆理西蕃

累免官

何以為政謝粗道其意高便為謝道形勢作數百語謝

遂起坐高去後謝追曰阿鄴故粗有才具

阿鄴崧小字也

謝因

此得終坐

袁彥伯為謝安南司馬

安南謝奉別見

都下諸人送至瀨鄉將

別既自淒惘歎曰江山遼落居然有萬里之勢

續晉陽秋曰袁宏字

房伯陳郡人魏郎中令煥六世孫也祖猷侍中父勗臨汝令宏起家建威參軍安南司馬記室太傅謝安賞宏機捷辯速自吏部郎出為東陽郡乃祖之於治亭時賢皆集安欲卒迫試之執手將別顧左右取一扇而贈之宏應聲答曰輒當奉揚仁風慰彼黎庶合坐歎其要捷性直亮故位不顯也在郡卒

孫綽賦遂初築室畎川自言見止足之分

中興書曰綽字興公太原

中都人少以文稱歷太學博士大著作散騎常侍遂初賦叙曰余少慕老莊之道仰其風流久矣卻感於陵賢妻之言悵然悟之乃經始東山建五畝之宅帶長阜倚茂林孰與坐華幕擊鐘鼓者同年而語其樂哉

齋前種一株松恒自手壅治之高世遠時亦隣居

世遠

高柔字也別見語綽曰松樹子非不楚楚可憐但永無棟梁

用耳孫曰楓柳雖合抱亦何所施

桓征西治江陵城甚麗

盛弘之荊州記曰荊州城臨漢江臨江王所治王被徵出城北

門而車軸折父老泣曰吾王去不還矣從此不開北門

會賓僚出江津望之云若

能目此城者有賞顧長康時為客在坐目曰遙望層城

丹樓如霞桓即賞以二婢

王子敬語王孝伯曰羊叔子自復佳耳然亦何與人事

晉諸公贊曰羊祜字叔子太山平陽人也世長吏二千石至祜九世以清德稱為兒時遊汶濱有行父止而觀焉歎息曰處士大好相善為之未六十當有重功於天下即富貴無相忘遂去莫知所在累遷都督荊州諸軍



事自在南夏吳人說服稱曰羊公莫  
敢名者南州人聞公喪號哭罷市

故不如銅雀臺上

妓

魏武遺令曰以吾妾與妓人皆著銅雀臺上  
苑六尺牀總帷月朝十五日輒使向帳作伎

林公見東陽長山曰何其坦迤

會稽土地志曰山靡迤而長縣因山得名

顧長康從會稽還人問山川之美顧云千巖競秀萬壑

爭流草木蒙籠其上若雲興霞蔚

丘淵之文章錄曰顧  
愷之字長康晉陵人

父悅尚書左丞愷之

愷初為散騎常侍

簡文崩孝武年十餘歲立至暝不臨

宋明帝文章志曰  
孝武皇帝諱昌明

簡文第三子也初簡文親識書曰晉氏祚盡昌明及帝  
崩育東方始明故因生時以為諱而相與忘告簡文問

之乃以諱對簡文流涕曰不意我家昌

明使出帝聽惠推賢任才年三十五崩

左右啟依常應

臨帝曰哀至則哭何常之有

孝武將講孝經謝公兄弟與諸人私庭講習

續晉陽秋  
曰寧康三

年九月九日帝講孝經僕射謝安侍坐吏部尚書陸納

兼侍中中書監黃門侍郎謝石吏部奏宏兼執經中書

郎車角吳陽

車武子難苦問謝

車角別見

謂袁羊曰不問則

德音有遺多問則重勞二謝

袁羊喬小字也袁氏家傳  
曰喬字彥升陳郡人父瓌

光祿大夫喬歷尚書郎江夏相從

袁曰必無此嫌車曰

桓溫平蜀封湘西伯益州刺史

何以知爾袁曰何嘗見明鏡疲於屢照清流憚於惠風

王子敬云從山陰道上行

會稽土地志曰邑在山陰故以名焉

山川自相

映發使人應接不暇若秋冬之際尤難為懷

會稽郡記曰會稽境

特多名山水峯嶸隆峻吐納雲霧松栝楓柏摧幹竦條  
潭壑鏡澈清流寫注王子敬見之曰山水之美使人應

接不暇

謝太傅問諸子姪子弟亦何預人事而正欲使其佳諸  
人莫有言者車騎答曰謝譬如芝蘭玉樹欲使其生於

階庭耳

道壹道人好整飾音辭

王珣遊嚴陵瀨詩叙曰道壹姓竺氏名德沙門題目曰道壹文

鋒富瞻孫綽為之贊曰馳騁游說言固不虛唯茲壹公  
綽然有餘譬若春圃載芬載數條柯倚蔚枝幹扶疏  
都下還東山經吳中已而會雪下未甚寒諸道人問在  
道所經壹公曰風霜固所不論乃先集其慘淡郊邑正  
自飄瞥林岫便已皓然

張天錫為涼州刺史稱制西隅既為苻堅所禽用為侍

中後於壽陽俱敗至都

張資涼州記曰天錫字公純  
安定烏氏人張耳後也曾祖軌

永嘉中為涼州刺史值京師大亂遂據涼上天錫其位  
自立為涼州牧苻堅使將姚萇攻涼州天錫歸萇安  
堅以為侍中比部尚書歸義侯從堅至壽陽堅軍敗遂  
南歸拜散騎常侍西平公中興書曰天錫後以貧拜廬

江太守覺  
贈侍中

為孝武所器每入言論無不竟日頗有嫉已

者於坐問張北方何物可貴張曰桑椹甘香鴟鴞革響

詩魯頌曰翩彼飛鴞集于

淳酪養性人無嫉心

西河舊事曰河

泮林食我桑椹懷我好音

西牛羊肥酪過精好但寫

酪置革上都不解散也

顧長康拜桓宣武墓作詩云山崩溟海竭魚鳥將何依

宋明帝文章志曰愷之

為桓溫參軍甚被親暱

人問之曰卿憑重桓乃爾哭之狀

其可見乎顧曰鼻如廣莫長風眼如懸河決溜聲如震雷

破山淚如傾河注海

毛伯成既負其才氣常稱寧為蘭摧玉折不作蕭敷艾

榮

征西寮屬名曰毛玄字伯成  
潁川人仕至征西行軍參軍

范甯作豫章

中興書曰甯字武子慎陽縣人博  
學通覽累遷中書郎豫章太守

八日

請佛有板衆僧疑或欲作答有小沙彌在坐末曰世尊  
默然則為許可衆從其義

司馬太傅齋中夜坐

孝文王傳曰王諱道子簡文皇帝  
第五子也封會稽王領司徒揚州

刺史進太傅為桓  
玄所害贈丞相

於時天月明淨都無纖翳太傅歎以

為佳謝景重在坐

續晉陽秋曰謝重字景重陳郡人  
父朗東陽太守重明秀有才智終

驃騎長史

答曰意謂乃不如微雲點綴太傅因戲謝曰卿居

心不淨乃復強欲滓穢太清邪

王中郎甚愛張天錫問之曰卿觀過江諸人經緯江左軌轍有何偉異後來之彥復何如中原張曰研求幽邃自王何以還因時修制荀樂之風

荀顗荀勗修定法制樂則未聞

王

曰卿知見有餘何故為苻堅所制

張資涼州記曰天錫明鑒顗發英聲少著

答曰陽消陰息故天步屯蹇否剝成象豈足多譏

謝景重女適王孝伯兒二門公甚相愛美

謝女譜曰重女月鏡適王

恭子謝為太傅長史被彈王即取作長史帶晉陵郡太

傅已構嫌孝伯不欲使其得謝還取作咨議外示繫維

而實以乖間之及孝伯敗後太傅繞東府城行散

丹陽記曰

東府城西有簡文為會稽王時第東則孝文王

僚屬悉

道子府道子領揚州仍住先舍故俗稱東府

在南門要望侯拜時謂謝曰王甯異謀

阿甯王恭小字也

云是

卿為其計謝曾無懼色歛筭對曰樂彥輔有言豈以五

男易一女太傅善其對因舉酒勸之曰故自佳故自佳

桓玄義興還後見司馬太傅太傅已醉坐上多客問人



云桓溫來欲作賊如何

晉安帝紀曰溫在姑孰諷朝廷求九錫謝安使吏部郎袁宏具

其草以示僕射王彪之彪之作色曰丈夫豈可以此事語人耶安徐問其計彪之曰聞其疾已篤且可緩其事安從之桓玄伏不得起謝景重時為長史舉板答曰故

故不行

宣武公黜昏暗登聖明功超伊霍紛紜之議裁之聖鑒

太傅曰我知我知即舉酒云桓義興勸卿酒桓出謝過

檀道鸞論之曰道子可謂易

於由言謝重能解紛紜矣

宣武移鎮南州制街衢平直人謂王東亭曰

王司徒傳曰王珣字

元琳丞相導之孫領軍洽之子也少以清秀稱大司馬桓溫辟為主簿從討袁真封交趾望海縣東亭侯累遷

書在僕射領

遷進尚書令

丞相初營建康無所因承而制置紆曲

方此為劣

晉陽秋曰蘇峻既誅大事克平之後都邑殘荒溫嶠議徙都豫章以即豐全朝士及三吳

家傑謂可遷都會稽王導獨謂不宜遷都建業往之祿  
吏古者既有帝王所治之表又孫仲謀劉玄德俱謂是  
王者之宅今雖凋殘宜修營來旋定之迹鎮靜羣情  
且百堵皆作何患不克復乎終至康寧導之策也

東

亭曰此丞相乃所以為巧江左地促不如中國若使阡陌條暢則一覽而盡故紆餘委曲若不可測

桓玄詣殷荊州殷在妾房晝眠左右辭不之通桓後言

及此事殷云初不眠縱有此豈不以賢賢易色也

孔安國注

論語曰言以好色之心好賢人則善

桓玄問羊孚

羊氏譜曰孚字子道泰山人祖楷尚書郎父綏中書郎孚歷太學博士州別駕太尉

參軍年四十六卒

何以共重吳聲羊曰當以其妖而浮

謝混問羊孚何以器舉瑚璉

晉安帝紀曰混字叔源陳郡人司空琰少子也文學

砥礪立名累遷中書令尚書左僕射坐黨劉毅伏誅論語子貢問曰賜也何如子曰汝器也曰何器也曰瑚璉也鄭玄注曰黍稷器夏曰瑚殷曰璉羊曰故當以為接神之器

桓玄既篡位後御牀微陷羣臣失色侍中殷仲文進曰

續晉陽秋曰仲文字仲文陳郡人祖融太常父康吳興太守仲文聞玄平京邑棄郡授馬玄甚說之引為咨議

參軍時王謚見禮而不親十範之被親而少禮其寵遇  
隆重兼於王十矣及立墓位以佐命親貴厚自封崇輿  
馬器服窮極綺麗後房妓妾數十無竹不絕音性甚貪  
客多納賄賂家累千金常若不足立既敗先投義軍累  
遭待中尚書  
以罪伏誅  
當由聖德淵重厚地所以不能載時人善之

桓立既篡位將改置直館問左右虎賁中郎省應在何  
處有人答曰無省當時殊忤旨問何以知無答曰潘岳  
秋興賦叙曰余兼虎賁中郎將寓直散騎之省  
岳別見其賦叙

曰晉十有四年余年三十二始見二毛以太尉掾兼虎  
賁中郎將寓直散騎之省高閣連雲陽景罕曜僕野人  
也猥廁朝列譬猶池魚籠鳥有江湖山藪之思於  
是染翰操紙慨然而賦於時秋至故以秋興命篇  
立咨

嗟稱善

劉謙之晉紀曰玄欲復虎賁中郎將疑應直與不訪之僚佐咸莫能定參軍劉簡之對曰昔潘

岳秋興賦叙曰余兼虎賁中郎將寓直於散騎之省以此言之是應直也玄默然從之此語微異又答者未知

姓名故

詳載之

謝靈運好戴曲柄笠

丘淵之新集錄曰靈運陳郡陽夏人祖立車騎將軍父渙秘書郎靈

運歷秘書監侍中臨

川內史以罪伏誅

孔隱士謂曰卿欲希心高遠何不

能遺曲蓋之貌

宋書曰孔淳之字彥深魯國人少以辭榮就約徵聘無所就元嘉初散騎郎徵

不到隱

謝答曰將不畏影者未能忘懷

莊子云漁父謂孔子曰人


上虞山

有畏影惡跡而去之走者舉足逾數而跡逾多走逾疾而影不離自以尚遲疾走不休絕力而死不知處陰以

休影處靜以息跡愚亦甚矣子修心守真還以物  
與人則無異矣不脩身而求之人不亦外事者乎



世說新語卷上之上



總校官庶吉士 臣張能照

校對官助教 臣金學詩

膳錄監生 臣趙興吾